


VI. a. 6 $\frac{1}{2}$.

Teol. 452g & 4530.

Biblioteka Jagiellońska.



VI. a. 6 $\frac{1}{2}$.



264-265

CIMELIA

Ann. VI. A. 6 1/2

XI. e. 20

~~XXIV. 3. 154~~

OR

C

DE V

STIA

ADO

S.

Aduer

mij, N

ssphen

Adie

futa

REV

Patren

Laodi

Ep

12

D

d

ANDREÆ
PATRICII
NIDECICI, ARCHI-
DIACONI VILNAE,

PARALLELA EC-
*clesiæ Catholicae cum Hære-
ticorum Synagogis.*

S I V E

Causæ, quibus permoti plerique no-
stris temporibus, sectas hæretico-
rum deseruerunt, & ad Ec-
clesiæ communionem
redierunt.

Lim. O. 265

COLONIÆ.

Apud Maternum Cholinum.

M. D. LXXVI.

Cum gratia & Priuileg. Cæs. Maiestatis

ANDRE
PATRICI
ARCHI
DOMINUS
PARALLEL
ARCHI
DOMINUS

SIVE

Caris. adhibetur in plerisque no.
his. adhibetur in plerisque no.
his. adhibetur in plerisque no.
his. adhibetur in plerisque no.
his. adhibetur in plerisque no.

COLONIE

Adhibetur in plerisque no.

M. D. LXXVI

Composita & Privilegia. Cal. M. D. LXXVI.

AMPLISS.
S. R. E. CARDINALI, ET
MAGNO POENITENTIA-
RIO, STAN. HOSIO
EPISCOPO VAR-
MIENSI.

Andreas Patricius Nidecicus
Archidiaconus Vilnæ
S. P. D.

Lamdudum au-
sculto, & cupi-
ens tibi dicere
quādā Pauca,
reformido.

Libet enim, dum ad te primi-
tias ferè istas mitto, mearum de
religione lucubrationum, iisdē
versibus affari te, Hosi Cardi-
nalis

nalis amplissime, quibus affatur herum seruus ille, haud magna in re, sed fidei plenus. Recenim vera iam dudum est, ut me abste ad eas literas, quæ, ut sunt ita sanctæ appellantur, inuitari, ceteris autem studijs, in quæ hætenus à prima statim adolescentia aliquanto ardentius incubui, frustra arceri exaudio. Frustrà dico: quòd tantus hucusq; amor extiterit nota illa & amœna humaniorum literarum spacia peragrandi, & contra tantus metus ad hæc vestra, grauiâ in primis studia, & tristis cuiusdam seueritatis plenissima, commigrandi, in illis præfer-

DEDICATORIA.

*praesertim, quas ipse quoque non
 ignoras, regia Cancellaria occu-
 pationibus nostris, ut non dies,
 nec menses, sed anni omnino co-
 plures intercesserint, dum ad te
 eiusmodi aliquid mittere refor-
 mido, quale hoc demum tempo-
 re mittendum esse existimaui:
 quanquam non sine eadem ani-
 mi mei trepidatione. Etenim,
 si nescis, iam inde ex illo tempo-
 re, quo mihi primum puero, in
 illa, à strepitu urbis huius no-
 stra remota, D. Sebastiani edi-
 culo, videndi tui copia est facta,
 eam de te, ex sermone magistro-
 rum meorum, Alb. Nouicam-
 piani, & Sim. Maricij, qui tunc
 publice,*

publicè, cum magna eruditionis
& diligentia opinione, ad D. Io-
annis docebant, haustam opi-
nionem concepi, limatissimo tuo
iudicio, nihil, quod limatissimū
idem non esset, posse ulla ex par-
te satisfacere. Quæ quidem opi-
nio multo etiā magis aucta cum
etate est, posteaquam de erudi-
tissimis ipsis scriptis tuis passim
in optimam partem vidi iudi-
cari, quibus tu quidem scriptis
ita Ecclesiam Dei ornas, id non
minus tuum, simulq; adeo no-
strum Polonicum nomen illu-
stres, ita magistros errorum cō-
futas, ut quamplurimos quoti-
die ab ipsis sectatores abducas:
tanta

tanta porrò suauitate lectores
 afficis, ut ppter ea descriptores
 ipsos ac typographos librorum
 tuorum, certatim ad hoc opus
 decurrentes, iamdudum quasi
 inter se committas. Atq; earum
 sanè rerum cogitatio etsi ne
 nunc quidem animum mihi ad
 scribendum facere poterat, vi-
 cit tamen profectò pietas, ut,
 dum tibi obsequor, à leuioribus
 interea istis auspicatus, tenta-
 rem quodāmodo, ecquid dein-
 ceptus maius aliquid ferre possim,
 in ijs, ad quæ me tam amanter
 vocare videbare. Quantum
 profecerim, tuū iudicium esto,
 nobis enim, quod pace tua dictū

A 4 velim,

velim *Aegyptia* olla illa, quibus
assueuimus, nondum ita ex ani-
mo deleri potuerunt, ut omnem
earum memoriam penitus ab-
iecisse videamur. In quo sanè, si
quid peccatur à nobis, ignosces
quæso consuetudini nostra, &
tuorum etiam ipse consimilium
olim temporum in memoriam
redibis, cum ipse quoque in eas-
dem res, quas fortasse in nobis
iudicas hoc tempore reprehen-
sione dignissimas, non minorem
operam conferres, nec minus
hoc nomine à plerisq; bonis illis
quidem viris, sed nimium, ut
puto, suorum studiorum aman-
tibus, reprehendere. Sin est, ut
tu

tu in his Ægyptijs expoliandis
 nihil omnino peccari existimes,
 si modò inde aliqd ad Hebraeos
 nostros collocupletandos possit
 peruenire, tum verò nos, bona
 cum tua venia, spolia ipsa, si nō
 opima, at non nulla tamen ma-
 iore porrò cū animo, Ægyptijs
 istis, iniustis videlicet dominis,
 detrahemus, eaq; deinde, quā-
 tū poterimus, ad qualemcum-
 que spartā nostrā, Ecclesiæ Dei,
 veræ atq; legitimæ rerum ac gē-
 tium omnium dominæ, accessio-
 nem adiungendam, per omnem
 occasionem conferemus. Nunc
 quidem quod ad te mitto, argu-
 mentū est, ut opinor, primum,

A 5 ad

ad pertenuem nostram in eo ty-
rocinij genere facultatem expe-
riundā idoneum, deinde verò à
rationibus etiam perturbatorū
istorum temporū non abhorrēs,
quibus equidē, ab hominib. ipsis
non pessimis, notæ atq; insignia
veræ Ecclesiæ anxie admodum
quæri solent, ad fluctuātes eorū
animos in certa aliqua et stabi-
li religionis sede collocandos. Id
quicquid est, sanè totum, ut vi-
des, uno eo loco, qui cōtrariorū
quasi inter se comparatione de-
finitur, confectum à nobis & ab-
solutum est: qui locus non solum
partes alteras, alterarum colla-
tione partium vehemētius illu-
minat,

DEDICATORIA. II

minat, sed etiā, quod ipse quoq;
magnus dicendi magister Ari-
stoteles in suis præceptionib. ad-
notauit, primus est omnium, q
cogitationibus nostris ad omne
rem propositam soleat obrepe-
re: ex quo, ipsa quoq; Parallelo-
rum inscriptio libro est attribu-
ta. Rem si probaueris, equidem
nihil est, quominus liber ipse in
tuo potius, qui me ad ea studia
semper incensum, pridem inflā-
masti, quam in cuiusuis alteri
nomine, possit publicè apparere.
Benè vale. Cracouia Kal. A-
prilis. Anno Christi Dei no-
stri M. D. LXXVI.

ANDR.

ANDR. PATRICII NIDECICI
ARCHIDIACONI
VILNAE.

PARALLELA EC-
clesiæ Catholicæ cum Hæreti-
corum Synagogis.

S I V E,

Causæ, quibus permoti plerique no-
stris temporibus, sectas hæretico-
rum deseruerunt, & ad Ec-
clesiæ communionem
redierunt.

Maximè optandum esset,
ut in quam semel vocati
sumus Iesu Christi Dei
nostri fidē & religionē, ea
sicuti omnibus omnium
gentiū superstitionibus, & omnibus
omniū hæreticorū impijs fraudibus
longè antecellit, ita semel à nobis su-
scepta, constanter possit ad extremū
retine-

ECCLÆ CATHOLICÆ. 13

retineri. Castitas enim religionis, quæ
est cultus quidam Dei incorruptus,
nec vllō nāuo inquinatus, nō solum
in veritate religionis sita est, sed etiā
in perpetuitate atque constantia ipsi-
us veritatis. Neque enim satis castum
est, quod modò purum est, modò
maculosum, sed illud demum verè
hoc nomine dignum est, quod nul-
la est vnquam commutatæ veritatis
nota vitiatum. Atque ea quidem ve-
ritas quoniam nec in consilio im-
piorum proponitur, nec in via sce-
storum ac seditiosorum hominum
inuenitur, nec verò vlla ratione in ca-
thedra illa contagiosa doctrinæ, vt
David appellat, pestilentis conspi-
citur, sed tota propria est, non magis
vsu quàm possessione, Ecclesiæ Ca-
tholicæ sponsæ CHRISTI, quam
solum Deus esse in his terris voluit
columnnam & sedem, ac stabilimen-
tum inter homines, eius quam quæ-
rimus, veritatis, idcirco, vt diximus,
optandum sanè esset, ita nos com-
plexu matris huius, vnius, sanctæ,
catholicæ, & apostolicæ Ecclesiæ con-
tineri,

tineri, in cuius solius gremio fidelis
ac benigno omnia Deus deposuit,
que filijs suis appromisit, vt ne ad alias
vnquam nouercas conuolemus, cas-
sas primùm & inanes omnis felicitatis,
deinde inuisas Deo, & CH R I-
S T O sponso, postremoque adeò &
vitæ nostræ ac naturæ inimicas, & sa-
luti. Verùm quando ea est per-
turbatio infeliciū istorum tempo-
rum, in quæ incidimus, vt filiorum
desertorum magna vbique sit copia,
præclare sanè cum ijs agi videtur,
qui cognita discessione & aberratione
sua à matre Ecclesia, regredi
malunt, quàm progredi in hoc tã pe-
riculoso cursu. Etsi enim primam
illam laudem tenere non potuerunt
illibatæ religionis, propter multas vel
hostium insidias, vel opinionum per-
uersitates, vel deniq; temporum ipso-
rū corruptelas, quibus adeò res re-
dit, vt ipsi etiã illi perfecti homines, quo-
rū hæten⁹ nulla in religione notata
est varietas, de constantiæ suæ gradu
deijci ferè videatur: in secundis tamē
constiterunt, & errorem quidem ac
lapsum

lapsum suū principio per Dei gratiā
 agnouerunt, mox etiā repudiauerūt,
 postremò deniq; id quod caput est, ad
 Ecclesiæ veritatē reuocarunt. Quorū
 quidem ipsorum hominum quanta
 semper, iam inde à primis tempori-
 bus, fuerit in Ecclesia Dei dignitas, sa-
 tis id, tum in Simone illo Bariona,
 tū in Saulo denique Tharsensi ipso,
 duobus religionis nostræ capitibus,
 declaratum est, quorum hic, ex inimi-
 co, atque hoste Christi, quem se esse
 non solūm palām, sed etiam libenter
 profitebatur, electus à Deo ac desi-
 gnatus est, vas & receptaculum, de-
 portando apud barbaras & profanas
 gentes Iesu Christi nomini destina-
 tum: ille autem hoc etiam amplius
 est consecutus, quòd ter abnegato
 co, quem semel constantissimè con-
 fessus fuerat, Christo ipso Deo ac Do-
 mino & magistro suo, princeps nihi-
 lominus postea Apostolorum est
 ab eo relictus ac constitutus, & petra
 eiusmodi, super quam ædificaretur
 Respub. & Ecclesia Christiana. Qui-
 bus sanè duobus addamus etiam li-
 cet

cet Aurelium illum Augustinū, qui ex inexplicabilibus Manicheorū laqueis, quibus implicatus erat, semel eluctatus, grauiſſimus poſtea Eccleſiæ ſanctę patron⁹ & deſenſor, hēreticorum autem aduerſarius, & quaſi maleuſ ad tundendos eos, diuinitus eſt factus. Ita ſanē, vt illorum quidem ſuperiorum, ceu bonorum ac fortium virorum & militum, horum autem, vt promptiorum iam & alacriorum pro Eccleſia, in quam reſtituti ſunt, opera vt liceat, in hac ſanctiſſimi Chriſti corporis, quod eſt Eccleſia, exædificatione. Vtrumque non eſt paſſim quorumuis, atque adeo, ſi verē loqui volumus, ne hominis quidem cuiuſquam. Nam fides omnino ſingulare quoddam Dei donum eſt, nec, vt errare ipſum hominis eſt, ita etiam aut ab errore reuocari, aut in veritate perſiſtere, ſolius hominis exiſtimandum eſt. Diuino enim maximē præſidio niti neceſſe eſt, cum in vtroque, tum in altero etiā magis. Sectum namq; eſt, quod alibi vberi⁹ magna theologorū aſſeue.

ECCLE. CATHOLICAE. 17

affèuatione diffèritur. Iustificatio-
nem vnus impij, maius omnino &
multo valentius Dei præpotentis o-
pus effe, ipsa vniuersi huius de nihilo
facta structura & compositione. Faci-
lis descensus auerni. Sed reuocare gra-
dum, superasque euadere ad auras,
hoc opus, hic labor est. Pauci, quos æ-
quus amauit Iupiter, aut ardenseuc-
xit ad æthera virtus. Dijs geniti potuê-
re. Inquit ethnicus poëta: nostro qui-
dem prophetæ non absimiliter, qui
perditionem quoque & interitum Is-
raëli ipsi tribuit, hoc autem est, nobis;
auxilium autem in perditione & in-
teritu, ad Deum refert auctorem. Qui
quidem Deus Opt. & Max. etsi multa
assiduè nobiscum tacitè & latenter
agere soleat, dum ad ostium animo-
rum nostrorum stat & pulsât, dum
aurem mentis nostræ vellicat, dum
ad cor loquitur, & quasi intus canit,
ea quidem via, quæ sensibus atque a-
dèd rationi ipsi nostræ penitus est ig-
nota, tamen ne cætera quidem fere
solet prætermittere officia, in oculos
& sensus incurrentia, & rationi inpri-

mis nostræ consentanea, quibus ad frugem meliorem ex medio errorū & offensionum mundanarū cursu, volentes retrahamur. Qui præsunt in Ecclesia eiusmodi rebus, obseruarunt pleraque ex confessione ipsarum, qui per hæc tempora à factionibus hæreticorum ad Ecclesiæ societatem, per Dei gratiam redierunt. Eorum quædam nobiscum communicauerunt, eaque publicè hic propofita esse voluerunt, ad communem omnium vtilitatem atque vsum, si fortè, vel medicina olim corporis, priuatis & paucis ab initio, tum ab hoc obseruatis, tum ab alio propofitis, morborum remedijs colligendis, tandem est vniuersa constituta, & ad artem etiam quandam redacta, ita hæc quoque maximè necessaria animi medicina, singulis istis remedijs obseruandis ac proponendis, possit aliquando perfectæ acquiri, & modis omnibus absoluta. Vtere his quisquis es commodo tuo, & Deum ora, primùm, vt te à contagione ista pestifera profanarum & impiarum opinionum,

pinionum, quibus hoc tempore omnia plena ac referta sunt, integrum & immunem præstet, tum autem, si quia iam fortè aut leuior decoloratio, aut maior etiam pestilentia vis ad te inde permanuit, vt mali quicquid est, præpotenti manu sua benignus tollat, & tepurum, putum, integrum etiam & benè firmum, Ecclesiæ suæ restituat, custodiendum in vitam immortalem & sempiternam.

1. Gratia Dei aduersus laqueos diaboli.



Mnimo igitur eorum hominum, quos vnquam suscepti erroris heresumque in animū semel admissarum poenituit, quos sanè nec paucos per hæc tempora fuisse, nec obscuros constat, cum alij alijs causis adducti, ad officium se suum dicant recepissee, tum omnibus vnum illud commune esse in hoc genere videtur, quod se ex æquo omnes, singulari Dei benignitate & afflatu ac in-

stinctu spiritus eius sancti, à falsis de
 religione opinionibus, vno ore affir-
 mant recessisse. Et sanè, quemadmo-
 dum malum illud hæreticarum opi-
 nionum, inimico illi homini, qui
 bonis seminibus superfeminare so-
 let zizania, diabolo, inquam, auctori
 adscribendum est, qui posteaquam
 semel ab initio decepit calliditate sua
 Enam nostram, non cessat porrò ho-
 dieque insidias tendere calcaneo illi-
 us, & assiduè tanquam leo circuire,
 quærens què deuoret, ita contra bo-
 num illud, ad cor & ad viam salutis
 intermissam reuertendi, non alij me-
 ritò acceptum ferendum est, quàm
 Deo Opt. & Max. qui solus à laqueis
 illis diaboli, in quos se ipsa impietas
 solet induere, vt custodire, ne in eos
 incidamus, ita etiam, si fortè incideri-
 mus, eripere ac liberare potest, quiq;
 intus, ablato à nobis lapideo, & pro eo
 carneo corde substituto, non solum
 docere, sed etiam omninò inducere
 potest, vt visis ac somnijs hæreticorū
 inanibus relictis, viuæ voci eius, in so-
 la Catholica Ecclesia personāti, obe-
 diamus.

diamus, & eam vitæ viam incamus, quæ sola dux est ad puras illas, æthereas & celestes regiones.

Hęc, inquā, etsi in vniuersum ita se habeant, sunt tamen alia præterea nōnulla magis peculiaria remedia in hoc genere, quæ modò his, modò illis profuerunt, quæ sanè remedia cæleri ac dissimulari non debent, etiam aliorum causa, qui si fortè sua ipsi sapientia sapere hætenus non potuerunt, aliorum saltem periculis cauti esse incipiant. Constant autem omnia ferè hæc remedia ex comparatione Catholicæ Ecclesiæ ad Synagogas hæreticorum, cuius nos quidem comparationis aliquot capita breuissimè hoc loco proponemus.

2. *Discordia Hæreticorum.*

Vuat igitur principio considerare discordiam ipsam hæreticorum, quæ talis ac tanta est, vt primùm quidem tot sectas nobis pepererit, quot homines se ad illarum factionum varietatem atque inconstantiam contulissent, deinde ve-

rò (vt est malarum omnium herbarū
admiranda quædam fecunditas) cū
singuli eorum, in illa opinionum per
ueritate diutius elaborare cæpissent,
numerus etiam opinionum ipsarum
non multò post, cum numero, non
dicam annorum, sed propemodum
dierum, quibus eæ fabricabantur,
fuerit adæquatus. Ex quo deinde
tria sunt consequuta. Vnum, vt
numerus ipse falsarum illarum opi
nionum, multiplicatis inter se tum
hominum tum dierum ipsorum nu
meris, mirum in modum augeretur,
eoque ipso tanta quotidie in doctri
nam eorum confusio induceretur,
vt opiniones postremò ipsas non
modò pernoscere, sed etiam pernu
merare admodum difficile fuerit.
Alterum etiam inde sequebatur, vt
illi quidem, qui rerum suarum
& salutis incerti, ad eos fortè venie
bant, incertiores multò dimitteren
tur, & ex stultis insani prorsus red
derentur, cum summo animorum
suorum periculo & iactura. Postre
mum autem, vt ipsi illi earum frau
dum

dum architecti, non magis ab Ecclesia ipsa, à qua secesserant, dissentirent, quàm ipsi mutuò inter se alter ab altero dissiderent, & quod omnem amentiam superat, ipsi, ipsi secum pugnarent; secum, inquam, vnusquisque eorum bellum gereret, dum ea, quæ paulo antè pro veris, primis, solis & ipse duxit, & orbi ipsi terrarum vniuerso, maxima contentione venditauit, ipse ad extremum ita repudiaret, vt omnia aut planè in vniuersum negando, ex rerum quasi natura tolleretur, aut limatius, vt sibi videtur, disserendo, falsi omnino argueretur. Quæ res quidem si in vita hac nostra communi, de rebus nunc sic, nunc alio modo se habentibus, ægerrimè ferri posset, in cœlesti quidem & certissima omnium salutis doctrina tradenda, post tot præsertim à fundatione Christianismi exactas ætates, & post tot sæcula consecuta, ferri ab hominibus Christianis non debet, Inest. n. in eo, præter cætera incòmoda insignis quædã turpitudine, non modò Theologorum, sed etiã virorū quorūlibet

rumlibet grauitate prorsus indigna. Nota est Melanthonis, atq; adeò Lutheri ipsius, & aliorum gregalium propria in nouis assidue procudendis dogmatibus varietas & inconstantia, tanta singulorum contra singulos acerbitate defensa, vt res non semel, nò solum ad maledicta scurrilia, sed etiam ad arma hostilia deuenerit. Nam & Anabaptistę contra Lutheranos, & Lutherani contra Calvinistas, & Calvinistę vicissim aduersus Lutheranos multis in locis, hostiliter exarserunt, & ad arma denique cucurrerunt. Atque adeò vniuersa eorum doctrina, qui se ab Ecclesia præciderunt, vtut verbum Dei, & pacis Euāgelium verbo præ se ferat, vtut interdum, siue diuini numinis gloriam & honorem, siue adeò commodum rerump. nefarijs suis consilijs per speciem prætexere videatur, quantum tamen ex rebus ipsis & in Heluetia, & in Germania, & in Anglia, & in Scotia, & in Gallia consecutis iudicari potest, reuerà nihil aliud est, quàm flabellum quoddam seditionis, & funesta fax incendi-
diorum

diorum ac bellorum ciuiliū, bellorum, inquam, tum perniciosissimorum illorum in Ecclesia & in Repub. tum etiam horum fœdissimorū, inter ipsos eorum dogmatum duces & auctores commissorum, mirabili quodam & imperuestigabili Dei iudicio, quo fit, vt per inimicos ipse suos vindictam sumat de inimicis suis. Iam illud, quod perpetuò in ista inconstantissima eorum incertitudine, & in discordi admodum varietate obseruatum extitit, quid est, si nō proiecta quædam vāsanā, & fatalis eorum calamitas est? quod mutandis istis suis & tam variè, & tam facilè, & tam crebrò, opinionibus, non ferè vnquam, nec casu, nec studio, in melius vergant, sed semper in deterius, & quidem vsque adeò deterius, vt ab eiusmodi initio ad talem exitum perueniri aliquando potuisse vix quisquam existimauerit. Quis enim credidisset vnquam, vt ab aqua & cereis benedictis, quæ isti primū sola arrodere cæperunt, gradus aliquando fieret ad Iesu Christi Dei nostri diuini-

nitatem conuellendam? aut ad sanctissimæ & indiuiduæ Trinitatis maiestatem & gloriam conculcandam? Atqui vtrumque ætas nostra vidit & audiuit, & cùm eiusmodi furias, aduersus omne id, quod est Deus, rabiosissimè consitatas intuetur, haud ferè liquidò affirmare potest, ecquidnam præterea visura sit aut auditura maiorum etiamnum blasphemiarum. Negebat olim fortè fortuna nescio quis, vel scio potius, nam interfui, apostolorum sanctitatem, singulos eorum, vt solent isti, in ordinem rediens. (Hæc enim tum sola scilicet in circulis & conuiujs iactabantur) Excepit confestim alius, peruersi genus dogmatis seriò refugiens, orationisque insolentiam ad maius etiam incommodum adducens. Quid? Si, inquit, eodem hoc modo, quo negas Apostolorum sanctitatem, eius quoque ipsius diuinitatem neges, qui Apostolorum fuit Dominus & magister? Quid factum est? Equidem ad eam tunc vocem, aures omnium qui aderant, atque adeò eius quoque ipsius, qui se Apostolis

Apostolis iam ipsis iniquum iudicem ferebat, ita inhorruerant, ut, quin vestes ad illam tantam tamque inauditam blasphemiam ab omnibus scinderentur, nihil admodum deesse videretur. Nondum videlicet tum assueueramus os in cælum ponere, & cum gigantibus impia aduersus Deum bella moliri, armis plusquam parricidalibus. Perfractis autem semel religiosi pudoris repagulis, & meta transgressa verecundiæ, Deo & diuinis omnibus rebus debitæ, eadem illæ aures, quæ tunc nudam scilicet huius tam impiæ & modis omnibus detestabilis ac execrandæ rei interrogationem non ferebant, aliquot modò postea interiectis annis, nefariam flagitiosissimi & petulantissimi eiusdem dogmatis asseuerationem ipsam tulerunt, atque haud scio an in cor etiam ipsum, proh dolor, demiserunt. Sic enim profectò se res habet, ut cuneus à tenuissima fissura tentato initio, crassissimas etiam arbores, nouis identidem ingeminandis ictibus, valeat diffindere.

3. *Concordia Catholicorum,
est unitas Ecclesie.*

HAnc ego te principio tantam
hæreticorum inter ipsos di-
gladiationem, per summam
eorum inconstantiam & mobilita-
tem animorum de malis rebus præ-
sentibus ad pessimas quasque magis
ac magis delabentem, præ oculis ha-
bere assidue cupio, vt deinde exaduer-
sò facilius tecum consideres & expen-
das consensum & concordiam Eccle-
się ipsius, quę omnibus omnium tem-
porum interuallis, eam constantię
laudem tenuit, vt omnium eorum,
qui gremio ipsius continerentur, cor
vnum, & anima vna, atque adeò etiã
labium vnum esse videretur. Neque
id modò in ijs appareret, qui aut ijs-
dem ex locis orti essent, aut ijsdem
temporibus vixissent, sed etiam mul-
tò magis in illis, quorũ & origines, &
ætates magnopere distinctas esse vide-
mus: quorum omnium in rebus qui-
dem ad Dei cultum, & ad pietatem
pertinentibus, tanta semper extitit
con-

ECCLĒ. CATHOLICAE. 29

sensio, vt manifestò ab illis omnibus
 vnus Deus coli, vna fides prædicari,
 vnum baptisma publicari, &, quod
 ferè horum omnium causa est, vnū,
 vnum in terris aspectabile caput Ec-
 clesiæ agnosci videretur. Quo qui-
 dem ex tot & tatarum rerum, tam ar-
 cta communione & consensu, ipsa
 etiā Ecclesia VNA est facta, & quidē,
 vt dixi, ex eo maximè vna, quod vnū
 semper inter pōtiffices principem, ex
 hominib' ipsis assumptū, & pro om-
 nibus hominibus constitutum habe-
 ret, ad quem omnes suas de religione
 controuersias ac contentiones refer-
 ret, quæ profectò contentiones neque
 deesse vnquam possent, non vno ali-
 quo earum moderatore & arbitro
 constituto, neque, dum vigeant,
 Ecclesiam vlla ratione vnā esse pa-
 tiantur. Sicut enim vnā, quam sic
 populanter appellamus ciuitatem,
 nulla res ex omnibus æquè ac vnus
 aliquis supremus, proprius quidem
 ipsi ac peculiaris magistratus consti-
 tuit, qui, si modò statum ac conditio-
 nem ciuitatis illius vtiliter cōseruare

ac

ac tueri debeat, cum eiusmodi sanè
potestate in ea versetur, oportet vt le-
gis loquentis vicem sustineat, & quæ
velit, non modò facilè apud ciues, sed
etiam necessariò obtineat: alioqui
omnem illam multitudinem breui
dissipari ac dilabi necesse sit, ita nisi
Ecclesia vnum semper cum summa
potestate aspectabilem, & ob ipsos o-
culos positum ducem habeat, cuius
interim supremo arbitrio diuersissi-
ma & infinitissima hominum studia
moderetur, vna quidem esse ciuitas,
vna Respub. vna denique Ecclesia
non poterit. Atque hoc ita esse, a-
bundè, vt puto, declarant tot & tam
variæ hæreticorum synagogæ, quæ vt
primùm vni huic Duci ac modera-
tori Ecclesiæ parère desierunt, subitò,
peius etiam quàm si Babylonis alicu-
ius ædificatrices extitissent, & mente
& voce confusæ sunt. Verè enim
dixit Augustinus. In cathedra vnita-
tis doctrinam positam esse veritatis.
Quod cum ita sit, est sanè quod nobis
ex animo gratulemur, Catholici,
eum, qui pro vera ipsa Ecclesia sic ro-
gavit,

ECCLE. CATHOLICAE. 31

gavit, vt quemadmodum ipse cum
patre Deo vnum est, ita ij, qui in eum
creditori erant, vnum essent: cum,
inquam, exauditum fuisse pro sua
dignitate. Est item, quod sectas
istas, omni interposita execratio-
ne detestemur, quæ, dum id, quod
CHRISTVS dominus, vnum es-
se voluit, secare per scelus ac lace-
rare non verentur, barbarum sanè
ipsum & immanem Pilati militem,
videntur prorsus immanitate ipsa
sua superare: qui miles non solum
C H R I S T I mortui crura ipse
non fregit, sed etiam de vna inconsu-
tili ipsius tunica sortiri maluit, quàm
eam scindendo reddere ad vsum in-
habilem planè & ineptam.

4. Sanctitas Ec- clesiæ.



Tq; hic rursus illud mihi con-
sideres velim, quod Ecclesia
quidem, eadem illa, quæ, vt di-
ximus

ximus, vna est, SANCTA etiam & est, & ita dicitur. Quotquot enim vquam sancti facti sunt, in hac sola sancti facti sunt. Hæc habuit sanctos & auctores & propagatores doctrinæ suæ, sanctum Iesum Christum, verū & vnicum Dei filium, sanctos Apostolos, sanctos Euangelistas, sanctos Pastores & Doctores, sanctos Martyres, sanctos Confessores, qui omnes ferè ab eremo & locis solitarijs ac desertis & incultis, à ieiunijs, à vigilijs, à precibus continuis, à paupertate, à castitate, à sobrietate, à cinere, à cilicio, à flagris, à macie, breuiter, ab appetendis ijs quæ vulgus odit ac reformidar, & contrà à contemnendis & pro nihilo habendis quæ admiratur, ad annunciandum orbi terrarum Iesu Christi Euangelium se contulerunt, vel potius aut de more missi sunt ab ijs, qui legitime in loca Apostolorum successerunt, aut extra ordinem, voce cælitus demissa, vel etiam miraculis doctrinam eorum consequentibus, fuerunt orbi terrarū, pro ijs qui missi essent, declarati.

ECCLE. CATHOLICAE. 33

declarati. Quos qui deinde posterio-
ribus temporibus in eadem Ecclesia
hucusque secuti sunt, etsi tanta for-
tassis sanctitatis ac miraculorum opi-
nionem non claruerunt, non minus
tamen quàm illi primi, sanctitatis &
pietatis eiusdem præcones ac inter-
nuncij fuerunt: nec minus populum
ad ieiunia, ad preces, ad rerum omni-
um mundanarum contemptum, ad
castitatem, ad ciliciũ, ad cinerem, ad
obedientiam, ad charitatem, ad alia
denique omnia sancta & Deo grata
opera, voce sua vocauerunt: se ipsi e-
tiam ad eandem vitæ regulam, quan-
tum maximè potuerunt, componere
studuerunt: aut si quid ab ea, in hac car-
nis infirmitate, & temporum corru-
ptela aberrauerunt, seipsos accusave-
runt, & de peccatis pœnitentiam ege-
runt: quæ omnia ne nunc quidem fa-
cere pro parte sua virili destiterunt.
Quid autem eorum auditores? Non
repetam vetera illa & meliora tem-
pora, quorum exemplis etiam de scri-
pto recitandis ætas me propemodum
deficeret. Illud dico, qui proximè Lu-

C

theri

theri tempora præcesserunt, maiores nostros ex omni gente & natione, quæ sub cælo est, tãtam erga superiores reuerentiam præ se tulisse, tanta clementia & humanitate erga inferiores vfos esse, ita fidem, veritatem, dictorum factorumque constãtiam, ita iustitiam, liberalitatem, continentiam, modestiam, & reliquas eiusmodi virtutes, ex sacris illorum temporum concionibus hausas, cum equalibus coluisse, vt nos, qui à nouis scilicet magistris istis, nouum quoddam sanctioris pietatis & religionis genus nuper haurire cæpimus, ne cõferre quidem ipsis audeamus.

5. Impietas hæreticorum.

Nunc agè, attingamus saltem leui brachio, nouæ istius Synagogæ, nescio cuius, mores atque vitam, in magnis profectò illis omnium clamoribus, qui continuò verbum Dei iactare non desistunt, nec maiorem, vt leuissimè dicam, obedientiam erga superiores, quàm olim fucrit, nec maiore castitatem, nec maiorem

ECCLE. CATHOLICAE. 35

maiores vitiorum fugā, nec maiore percipiendorū sacramentorū frequētiā, nec maiorem aut vberiore abstinentiā, sobrietatis, aut aliarum verarum virtutum prouentum inuenimus, quæ sanè virtutes omnes, simul vt nouorum istorum dogmatum veluti quidam licētiae discus increpuit, omnes, quod dolenter quidem, sed tamen necessariò fatendum est, ex ipso quasi terrarum orbe emigrasse, & simul cum Catholicorum concionatorum voce, conticuisse videntur. Nam, vt interim dicere omit- tam, de ijs, quæ in eorum locum suc- cesserunt, quotusquisque, quæso, per totum hoc noui euangelij tem- pus, in vniuerso illo grege inuentus est, qui ob vitam honestè, & cum pietate actam, in diuorum nume- rum sit relatus? De communi ho- minum genere loquor. Quid dicam de magistris ipsis? Equi- dem si eorum sanctimoniam paulis- per scrutari voluerimus, comperie- mus magnā eorum partem à rapina, à cæde, à periurio, maximā à crapula, à

lustris, à vino, à venere, ab ocio, ab alea, breuiter ab omni carnis lasciuia, ad eiusdemmodi porrò vitam consecrandam, & tum sibi, tum alijs propemodum commendandam, prorepfisse, sine vlla aut insignis alicuius eruditionis, aut, quod magis etià rem continet, pietatis commendatione, & denique, quod caput est, sine vllò testimonio aut missionis ordinariæ aut miraculorum. Nimirū illi, qui fidem omni virtute spoliant, & solam absque vllò sanctarum actionum comitatu, in vitam hominum, tanquam in scenam, producunt: quique adeò nullam in seipsis solidæ aut expressæ virtutis effigiem, sed imaginem duntaxat fictæ & adumbratæ, & vt ipsi loquuntur, imputatæ cuiusdam iustitię agnoscunt: eam demum magnam scilicet voluptatem esse ducunt, æqualem ac parem verbis vitam agere, moribusque vicissim ipsis orationem tanquam cothurnum accommodare: nec ferè quicquam in vita sua tam dissolutum putare, quod non ex intimis ipsis professionis suæ visceribus

ribus ac medullis deprompta doctrina tueantur. Videlicet nec qui ita viuunt aliter loqui possunt, nec qui sermone vtuntur tam illoto, vita honestiores sunt. Itaque ergo eius vitæ quam sequuntur, non solum eos aut pudere, aut poenitere non potest, sed, si modò sibi consentanei esse velint, ne debet quidem, gloriandum ijs potius fuerit, vti quidem gloriari verè possunt, quòd & doctrinæ suæ conuenienter viuant, & vitæ ipsi ac moribus suis aptè admodum ac congruenter doceant, cum pro castitate incestas nuptias, pro contemptu diuitiarum sacrilegia & rapinas, luxum pro ieiunio profitentur, cum pro obedientia & subiectione aduersus magistratus, populum ad tumultu & perduellionem concitant, cum classicum belli ciuilis canunt, cum omnes honestas & laudabiles actiones eleuant, & tantum non ex vita hominum exterminant & proscribunt, cum ad omnem nequitiam & impudentiam fenestram aperiunt, non solum præcisa, & ultra ferè medium resecta honestæ vitæ

prædicatione, quæ apud eos, remota
& eiccta meriti ratione, necessario
friget, verum etiam, sublata prorsus è
medio, vitæ intemperantioris poenitentia,
quæ vel sola, dum in Ecclesia
publicè obseruata est, multos à scelere
& flagitio potuit cohibere: breuiter,
cum non Ecclesiam C H R I S T I
regere, sed Sathanæ Synagogam
instituire, & non religionem
aut pietatem docere, sed ipsum terrarum
orbem, quemadmodum videmus,
stupro, nequitia, crapula, periurio,
fraude, flagitio, imbuiere videri
possunt. Quæ enim conuentio Christi
cum Belial, aut quæ societas lucis
cum tenebris? Atqui ad eam tamen
eiusmodi magistrorum, vel, vt ipsi
appellari amant, Ministrorum doctrinam,
video plerosq; etiam Ministros ipsos
dociliores se, penè plus quàm sat erat,
præbuisse. Quis enim vnquam eorum
(qui tamen omnes vniuersis ipsis
Ministris suis meliores, pudentiores,
virtutis amantiores sunt) quis, inquam,
illorum fortior, iustior, pietior, liberalior,
continentior,

tinentior, veracior, simplicior, ab ea doctrina est factus? quis non potius iniustior, impudentior, rapacior, dissolutior, mendacior, versutior? Vbi nunc est prisca illa maiorum nostrorum fides, pietas, innocentia, veritas, & quam iam etiam in vitio scilicet ponimus, simplicitas? Fontes mihi mehercule ipsi earum rerum, cum religione vnà, non tam exaruisse, quàm in contrarios liquores degenerauisse videntur. Sed hæc omnia, quæ de Catholicorum & sectariorum sanctitate vtrinque dicta sunt, re ipsa quàm verbis notiora sunt. Vtros igitur mauis? Odiui, inquit psalmographus, Ecclesiam malignantium, & cum impijs non sedebo. At quæ est malignantium Ecclesia? Ex fructibus eorum cognoscetis eos, inquit Magister omnium nostrum Christus.

6. *Novitas hæreticorum.*

7. *Discessio hæreticorum
ab Ecclesia.*

Quid aliud? Etiam illud reputes tecum licet, quod hi isti Ministri, de quibus loquimur, præter discordiam, de qua superius, & de qua modò locuti sumus, nequitiam, vel ob ipsam saltem, quam aliquo etiã modo attigim⁹, nouitatē, & ab Ecclesia discessionē, nō possūt esse bonis & pijs omnib. nō suspecti. Ipsū enim factionis & nouitatis vocabulum, non solū in Ecclesia, sed etiam in Repub. suspicionis est plenum. Cedo, quī vestram Rempub. tantam amissistis tam citò? Respondetur apud Næuium. Proueniebant, inquit, oratores noui, stulti adolescentuli. Quādo enim, obsecro, Ministri isti orti sunt, quos Mescisslaus noster in Polonia, quos Jagello in Lituania, fundanda religione Christiana ignorarunt? Modò, modò, inquam, nostra hac memoria, & nostro hoc admodum infœlici sæculo, non bonis illis maiorum nostrorum temporib⁹ nati sunt &, quod maiorem etiam doctrinæ eorum nouitatem arguit, dogmata ipsa quæ in vulgus pro vetustissimis disseminant,

minant, non aut patres eorum morientes, testamento ipsis reliquerunt, aut statim nascentes ipsi, ex matris utero secum, tanquam cœlitus, attulerunt, aut verò nati, cum nutricum postea lacte suxerunt, aut denique adulti, tanquam tradita olim à maioribus propagauerunt, sed multo etiam post quàm & nati & adulti essent, ultro procudere demum ceperunt, ita quidem, ut ipsi illi recentissimi, & ut sic dicam, omnium nouissimi homines, religione ipsa sua antiquiores sint, quod tamen, si ex vera commendatione pendi res deberet, contrà esse decuit, ut religio ipsa, abortiua ista prole esset antiquior. Planè igitur sunt cum doctrina sua noui. Quid autem? num habent etiam cômune aliquid cum ceteris Christianorum Ecclesijs, quas oriens, occidēs, meridies, septētrio complectitur? Nihil minus. Monstrum enim quoddam alunt, & priuatum nescio quid ac separatam, ipsisquæ adeò priuatis in locis atque angustijs priuatim fouent ac tuentur, remotum non solùm à sententia reli-
 quarum

quarum omnium Christianarum ecclesiarum, & ab vtilitate, verum etiam à sensu ferè ipso communi: dum & eiusmodi nobis iustum nescio quem depingunt, qui in optima quaque actione peccet: & Deum ipsum peccatorum quarumq; actionum auctorem statuunt: & quicquid à nobis in vita fiat, aut geratur, id nō modò seruiliter, sed etiam coactè & inuitè, brutorum in morem: nec id modò, verum etiam sine omni propemodum & motu & sensu, non secus quàm si stipites essemus, geri ac fieri aiunt. Itaque non modò olim maiores nostri legibus communibus & fædere ac pactione publica, eius generis homines (atque adeò tanto tolerabiliiores, quanto Hussitarum & Calixtinorum doctrina, quæ tunc viguit, nostri istius temporis hæreticis, & hac ipsa, quæ viget maximè, Anabaptistarum impietate, & blasphemijs Trideistarum, tolerabilior videbatur) abigendos ex hoc regno, & exterminandos, ac in vltimas terras deportandos putauerunt, sed etiam nuper

ECCLE. CATHOLICAE. 43.

per Moscus ipse medius fidius, barbarus & schismaticus princeps, repudi-
asse eos, & intimis sensibus auersatus
esse dicitur. Parum dico. Ipsi, inquam
inter se ita separati & ita exosi sunt, vt
alteri alteros extra Synagogas suas
eijciant, diris deuoueant, igni deni-
que comburendos tradant. Quam
igitur eorum Ecclesiam esse putabis,
qui & nuper ad eò nati ab Ecclesia ve-
ra desciiuerunt, & ad nullam aliam in
orbe terrarum Ecclesiam, tempori-
bus suis antiquiorem se contule-
runt, sed cum ex nobis exissent, alta-
re contra altare erexerunt, & se pro
nouæ Synagogæ fundatoribus, pro-
que paradoxorum dogmatum au-
ctoribus venditauerunt, sic quidem,
vt non minus à schismaticis quàm
à Catholicis ipsis, nec magis à Ca-
tholicis, quàm à seipsis rejicerentur:
homines, quibus neque apud Danaos
vsquàm locus, insuper ipsi Dardani-
dæ infensi pœnas cum sanguine pos-
cunt.

8. Eccle-

8. *Ecclesia Catholica**consideratio.*

ATqui Ecclesia, quæ verè hoc nomine dici debet, ea non minus **CAHOLICA**, quàm vna, & sancta esse debet. Quid est Catholica? non priuata, non quotidie noua, non obscura, sed clara, prisca, perpetua, publica, breuiter vniuersitatem quãdam rerum, locorum, temporum, personarum, rationum etiam comprehendens. Rerum, quæ videlicet non vnũ aliquid singulare ex doctrina sancta excerpit, vnumquẽ illud vrgeat, sed quæ omnia seruare doceat, quæcunque diuinitus tam scripto quàm voce viua imperata, tradita, laudata etiam ac cõmendata sunt nobis. Locorum: quæ non hic modò aut illic, nec aut in deserto modò & inculto ac ignobili aliquo vico, aut in ædium tantũ priuatarum penetralibus, Christum cõcludat, sed quæ vltimis ipsis terræ finibus imperium eius describat, atque definiat. Temporum: quæ non id statim pro vero recipiat, quod simul vt exortum

ECCLE. CATHOLICAE. 45

exortum est, paulo pòst humore destitutum exaruit, sed quæ, quod fuit iam inde ab initio, & quod etiamnum permanet, & ad extremum vsque extremi iudicii diem permanebit, id studiosè admodum & constanter profiteatur. Personarum, quæ videlicet neque Pauli se esse dicat, neque Apollo, neque Cephæ, neq; multo his inferiorum, Lutheri, Caluini, Beze, sed vnus & indiuisi Christi. Rationum denique, quæ nihil omnino priuatæ rationis priuatim sibi seligat. (Ex hac enim eiusmodi priuatarum rationum priuata selectione, hereses ipsas & ortum pariter & appellationē suam accepisse constat) sed quæ, cū cōmune naturæ, & quæ secunda quasi natura est, scripturæ iudicium sequatur, tū verò in ipsa scriptura pertractanda, hos sibi veluti cancellos quosdam cōmunes, & in omni professionis genere pernecessarios, circūscribat. Vnum, ne scripta in speciem contraria verbis potius inter se committat, quàm sententia conciliet. Alterū, ne sententiam vnus duorum tūc,

aut

aut cōmuni omnium sententiæ, aut
verò perspicuo ipsi scripto āteponat.
Tertium, ne quod omnino, quātum-
uis in speciem perspicuum, tanto aut
magis, ne quod apertè ambigū legis
mutæ scriptum, aut suo paucorum uē
hominum sensu definiat, aut senten-
tiæ omnium cōmuni, id autem est,
magistratus ipsius viux voci, quasi
exaduerso obijciat. Postremum,
vt priuatam quamlibet ratiocinatio-
nem, vel communi omnium, vel
magistratus certè ipsius ratiocinatio-
ne temperet. Omnino autem, ne
aut secreta modò quædā veluti Stoi-
corum Paradoxa, secretis, ac sepa-
ratis à communi vniuersorum sen-
tentia rationibus defendat, cetera
aspernetur, aut rursus solas vulga-
tas, & quæ secundo populo defendi
possunt, sententias protrita ipsa ac
peruulgata ratione consēctetur, pru-
dentum decreta negligat, sed medi-
um teneat, & in modum apīs circum-
uolitans, vndique ita delibet ac de-
cerpat, vt vulgaria sanioribus con-
diat, humana autem diuinis regat
atque

atque moderetur. Opinionum enim humanarū cōmenta delet dies, veritas autem domini manet in æternum.

9. *Ecclesia Apostolica consideratio, quæ est in successione.*



Vibus quidem omnibus considerandis rebus, haud scio, an vlla sit siue præstantior, siue adeò efficacior, quàm si quis illud assiduè non magis mente promptum gerat, quàm ob oculos positum intueatur, quòd Ecclesia ipsa, præter cætera, quæ suprà exposuimus, eadem & est, & dicitur A P O S T O L I C A: hoc autem est, quòd successionem quandam continuatam iam inde ab apostolis, ad viuum, vt sic dicam, potest demonstrare: successionem, inquam, non magis certorum hominum in loca & cathedras ac Episcopatus ab Apostolis institutos, quod quidem ipsum, etiam per se magnum est, quàm doctrinæ

doctrinæ suæ in doctrinam ipsam Apostolorum, quæ apud Episcopos ipsos, nec ferè alibi, deposita omnino extitit, qui etiam ipsi deinde, mittendis quaquaversum in vices suas, & per manuum impositionem ordinandis præbyteris, doctrinam ipsam Apostolorum, & vicaria quasi, ac delegata eorum opera, per totum terrarum orbem disseminauerunt, & eandem, sua quidem in præbyteros auctoritate, præbyterorū autem vicissim erga se obedientia, integrā ac incontaminatam hucusque conseruauerunt. Quid iuuat ea consideratio successionis, inquis? Permultum equidem. Ibi enim profecto vnumquodque reperiri verisimilius est, vbi reconditū est, quàm ibi, vbi nunquam est, neque conditū, neque positum. Vt enim ij, qui in arte differendi versantur, locum aiunt esse argumenti sedem, ita nos, qui certam ac firmam doctrinam de Deo quarimus, successionem hanc Episcoporum, sedem esse veræ & Apostolicæ ipsius doctrinæ existimare debemus; sic, vt eam quidem non aliunde quàm

quàm ab ijs Episcopis, qui in Apostolorum loca successerunt, hauriendā esse censeamus. Nam cū omnibus in vniuersum sacerdotibus ita demādata sit diuinitus custodia scientiæ salutaris, vt eam populus scilicet ex eorum requirat: tum verò nōminatim eadem hæc ista scientia, tanquam peculiare quoddam depositum, eorum fidei credita est, qui ab Apostolis semel instituti, succedere sibi, ad consummationem sanctorum in opus ministerij debuerunt: & ita quidem credita, vt depositum eiusmodi, omni adhibita cautione, diligenter non solum sibi asseruarent, sed, vt Paulus Timotheo præcipit, etiā alijs custodirent. At non custodierunt, inquis. Primū. Quis mihi id persuadet? deinde verò etiam, quis me eius rei iudicem constituit? Ouis ego sum, illi pastores. Annunquā quisquā ouem vidit alia sibi pabula, quàm quæ à pastore præberentur, inquirentem? Mihi verò summus omnium pastor Christus ait: Quicquid dēum ij dixerint, qui in cathedram Moysis successerunt,

D. cesserunt,

cesserūt, id omne præstari à me oportere. Ergo mihi quidem an depositū satis fideliter pastores custodierint, nec liquet, nec adeò inquirendum est: est enim qui inquiret, & iudicet: illud liquet, depositum hoc istud commendatum eorum fidei fuisse, aliorum non fuisse: me etiam ex illorum ore pendere, & ab eis, omnia quæ ad salutis meæ rationem pertinent, requirere iussu esse. Quemadmodum igitur Magi illi, dum CHRISTVM natum quærunt, Hierosolymis de eo percontantur, ubi Deus Opt. & Max. legum ceremoniarumque suarum domicilium tunc esse voluerat: & quemadmodum Maria, dum sepultum dominum extremo honore prosequi desiderat, ad ipsum, in quo eum condi nuper viderat, sepulchrum rectā gradum facit: sic ego, si CHRISTVM inuenire cupio, ea sanè loca lustrare inprimis debeo, quæ sunt maxime insignibus ipsius aut testimonijs, aut verò etiam vestigijs consecrata. In quo etiam, si fortè præter

ECCLE. CATHOLICAE. 51

ter opinionem meam ita acciderit,
 vt Dominum ipsum neque Hieroso-
 lymis cum Magis, neque in monu-
 mento cum Maria reperiam, illud
 tamen pro eo lucri feram, vtibi
 quidem principes sacerdotum, &
 scribas: hic autem angelum ipsum
 reperiam, qui mihi interim, tan-
 quam exoptata illa in naufragio Cy-
 nosura Solis orientis aut obeūtis re-
 giones, ita in medijs illis meis dubita-
 tionibus, siue Bethleemum, siue adeo
 Galileā, certa tūc tēporis domini mei
 hospitia ac receptacula demonstrent,
 & officium animo quidem meo hesi-
 tanti præstent iucundū in primis atq;
 salutare. Atq; hæc est ferè prima suc-
 cessionis hui⁹ in Ecclesia insignis ad-
 modū vtilitas. Cui alterā hanc quoq;
 nihilo, vt puto, inferiorem, addamus
 licet: quòd vti nō solūm ad nobilitatē
 nostram gloriosum, verumetiam ad
 legitimi nostri generis demonstratio-
 nem, certū in primis & maximè ido-
 neum non esse non potest habere do-
 mi quasdā veluti maiorum imagines,
 quib⁹ semper ad certitudinem simul

& claritatem nostri generis rectè niti,
 & ignominiosum illud S. P. quo Ro-
 mani olim nothos, & incerto patre
 procreatos significare solebant, vita-
 re posse videamur: ita necessariò fatē-
 dum est, nos, qui successionem hanc
 in Ecclesia, ceu quasdam maiorum
 nostrorum imagines, tenem⁹ ac tue-
 mur, facile præ cæteris omnibus, legi-
 timum ac nobile genus nostrum in
 religione Christiana, & tenere ipsos
 ac tueri, & ab aliorum etiam calum-
 nijs posse vindicare.

10. *Successio Episcoporum nul-
 la apud hæreticos.*

S I possent saltem successionem
 hanc aduersariorum admini-
 stri in se ipsis demonstrare,
 quosnam quæso spiritus sumerent?
 quos etiam triumphos agerent? aut
 verò quorumque etiam no-
 strum ad suam illam factionem non
 iustissimè pellicere viderentur? Nunc
 quis est qui non miretur, homines
 nullis natalibus insignes, nullis pro-
 pmodum

ECCLE. CATHOLICAE. 53

pemodum ortos maioribus , & bre-
uiter, terræ filios , tantam familiam
ducere? Cupio, inquit Tertullianus,
ostendant mihi ex qua auctoritate
prodierint: edant origines Ecclesia-
rum suarum: euoluant ordinem E-
piscoporum suorum, ita per succes-
siones ab initio decurrentem, vt pri-
mus ille Episcopus aliquem ex Apo-
stolis, velex ijs qui fuerint cum Apo-
stolis, habuerit auctorem & anteces-
sorem. Hoc enim, inquit, modo Ec-
clesiæ Apostolicæ census suos defe-
runt, &c. Isti verò non modò suc-
cessionem suam non demonstrant,
sed ne missionem quidem expectant
vllam. Nam si missi sunt, id quidem
aut à Deo fieri oportuit, & tunc ad-
mirandis illis operibus edendis, fa-
ciant nobis suæ missionis fidem: aut
verò à potestate ordinaria, & tunc, si
id fortè quidam eorum ita se habe-
re ostenderint, videant sanè magno-
pere, ne ad missionis fidem, non satis
sit ex nobis prodijisse, nisi etiam ex no-
bis fuerint. Esse autem ex nobis, eorū
tantū esse proprium meminerint, qui

nobiscū permanserint. Qui enim sec-
fecerint, ij quidē manifestō ostendūt,
ex nobis se nō fuisse: vtī quidē egregiē
B. Ioannes Apostolus in sua epistola
canonica argumentatur. Horū tu igi-
tur auctoritatem in salute tua procu-
randa sequare, qui nec ducem, à quo
ad prædicandum euangelium missi
fuerint: nec auctorem vllum, à quo
profecti sint, idoneum edere, sed ne
argumentum quidem saltem proba-
bile, cur edendis ijs opus non habe-
ant, proferre vlla ratione posse vi-
deantur? Mihi verò sanè Christus
ipse eos potissimum nobis ad cau-
dum tanquam digito monstrasse vi-
detur, dum ijs maximè serijs ver-
bis ad nos vtitur: Attendite, atten-
dite, inquit, à falsis prophetis, qui
non mittuntur, sed vltro ipsi ad
vos veniunt, vobisq̃ue se obtrudunt.
Quos ipsos totidem penè verbis de-
signat quoque Ieremias propheta in
persona Dei: Currebant, inquit,
& ego non mittebam eos. Ergo neque
ipsi, cū missi non sint, Apostoli esse
possunt: neq; nos, si eos audiamus, fi-
deles

deles esse vlla ratione poterimus. Pulchre enim colligit Paulus, dū ita gradationem suam instituit: Omnis, inquit, qui inuocauerit nomen domini salu^s erit. Quomodo autē inuocabunt, in quem non crediderunt? aut quomodo credent, cū non audierint? quomodo autem audient sine prädicante? quomodo verò prädicabunt nisi mittantur? Ex quo sequitur, vt nisi eos habuerimus, qui ad nos mittantur, neque prädicatores sanè habere, & ex consequenti neque audire quicquam, neque credere, neque adeò nomen domini inuocare posse videamur. Tantum est in hac missione momenti constitutum.

Atque hæc sunt quidem præcipua, quæ plerosq; in gremio Ecclesiæ hætenus tenuerunt: plerosque alios, à secta & factione hæreticorum ad Ecclesiam traduxerunt, quæ ceteri etiam non sine fructu sibi proponēt in eiusdē modi deliberatione. Nunc reliqua breuiter, vt cæpimus, persequamur: quæ non minus multo adiumento fuisse comperimus, ad

euitandas, vel contemnendas insidias
hæreticorum.

II. *Sacramenta Ecclesiæ*
Catholicæ.

12. *Sacrificium Ecclesiæ*
Catholicæ.

Intelligendum est igitur SACRAMENTA & SACRIFICIA ipsa magnopere etiam dignitatem simul & veritatem Ecclesiæ demonstrare. Quid enim tam proprium Ecclesiæ esse potest, quàm sacerdos? quid tam peculiare quàm sacramentum? quid tam præcipuum quàm sacrificium? sine quibus Ecclesia non modò constitui nulla potest, sed ne cogitatione quidem adumbrari. Conferamus igitur in his quoque nostra cum hæreticis, & consideremus paulisper, hinc quidem, vna, sancta, catholica, Apostolica Ecclesia, quàm se hac quoque parte omnibus hæreticorum Synagogis
excel-

ECCLE. CATHOLICAE. 57

excellentiorem declaret, quæ & sacramenta quidem omnia plenissimo nō solum numero, sed etiam pondere, ut ita dicam, retinuerit: & sacrificio etiā ipso maximè sublimi & excelso semper vſa fuerit. Nam sacramenta quidē quod attinet, ea in vniuersum septem numerat, totidem videlicet non solum remedia, aduersus septem quæ vocantur peccata mortifera, sed etiā vasa gratiæ Dei, & totidē donorū spiritus sancti. Quæ quidem sacramenta etsi, pro eo, ut debet, magnificat omnia, eisq; ad gregis sui salutem, quoties opus est, libenter admodum vtitur: præ cæteris tamen ipsum eucharistiæ sacramentum tanto verborum honore prosequitur, ut diuina institutione informata, audeat verissimè dicere, populoq; persuadere, Christum ibi verum & integrum contineri. Hocque ipsum sacramentum, etiā sacrificium esse statuit, cum se ipsa dignissimum, tum verò diuino ipsi numini placando & propitio reddendo longe accommodatissimum: tremendū quidem & omni semper veneratione

prosequendum: quo ipso etiam quotidie perfungitur, tum ad repræsentandam, tum ad applicandam mentibus suorum fidelium passionem ac mortem Christi Dei nostri, ex qua sola haustum ac depromptum est, quicquid est in ipso ecclesiæ sacrificio sanctum atque salutare.

13. *Sacramenta hæreticorum.*

Quid autem contra hæreticorum Synagoga? Primum sacramenta ipsa, ut cuique eorum libitum est, numero sensim deminuit, eaque postremo ad dualē ferē, Romanis non magis in sermone quā in sacramētis ignotū, numerū restringit. Quæ ipsa etiam tā imminuta, & tā ad pauca reducta sacramēta, de gradu ipso dignitatis dei jcit: dū ipsum quidē vetissimū corporis ac sanguinis Christi sacramētū, signū tantū & figuram esse asserit corporis & sanguinis Christi: baptismum autem ita eleuat, ut infantibus quidem ipsis inutilem: cæteris autē omnib⁹ superuacaneū, nec satis tollendo funditus peccato efficacē, affirmare

ECCLE. CATHOLICAE. 59

re nō vereatur. Quibus sanè vtrisque de
 reb⁹ dū cogito, quanquā, si in alteram
 partem peccandum sit, augeri potius
 ipsum remediorū numerū quā vlla
 ex parte diminui mallē: nō modo, qđ
 plurib⁹ remedijs propositis, min⁹ dā-
 ni ex malis ipsis sentiretur, sed etiam
 quod bonitatē omnino quādā naturę
 atque ingenij redolere videtur, mala
 quidem quam maximē fieri potest re-
 stringere: com moda aut ipsa humani
 generis quam maximē exaugere: ta-
 men cū præterea considero, nō nu-
 mero ea tantum diminui, verume-
 tiā, quod peius est, vi, fructu, dignita-
 te, atq; adeò efficacitate omni spolia-
 ri, equidem multo magis ad hanc rā-
 tam, eorum qui id faciunt, maleuo-
 lentiam: eorum qui approbant & re-
 cipiunt, amentiam & stupiditatem
 cohorresco. Quis enim non miretur,
 (vt pro eucharistia principiò loqua-
 mur) aut verò quis patiat^r, Chri-
 stum quidem ipsum Dei filium, hoc
 quod porrigit, corp⁹ esse suū profite-
 ri, homuncionem autē nescio quem,
 signum modò esse & figurā eius cor-
 poris,

poris, temere interpretari? Deinde
verò, quod baptismi sacramētum at-
tinet, quis ferat, quæso, cū circum-
cisio quidem Iudaica magis etiā pro-
pmodum ad infantes quā ad adul-
tos pertinuerit, eademque omnes, qui
modò ea insigniti fuissent, in nume-
rum populi Dei retulerit: baptismum
nostrum ita infra ipsius conditionē
abijci, vt neque ad infantes pertineat,
& ceteris præterea nullam insignem
utilitatem pariat? Sed vt interim ba-
ptismum & circumcisionē paria fa-
ciamus, nec Dei ipsius opera inuicem
contendamus: quāquam ille quidem
ipse auctor vtriusque, alterum eorū
tanquam corpus: alterum ceu corpo-
ris modò vmbra, esse voluerit: quid?
etiamne homines Deo æquiparabi-
mus? vel potius, etiamne hominum
ipsa malefacta, dei ipsi benefactis an-
teponemus, aut verò potentiora in
suo genere fuisse existimabimus? Adā
igitur modico suo fermento totam
generis nostri massam penitus corrū-
pet: & non multo magis Christus, co-
piosa admodum sua redemptione,
cor-

ECCLE. CATHOLICAE. 61

corruptionem hanc restituet, & reip-
sa reparabit? Non negāt: sed quærunt,
quidnam hæc faciant ad institutam
de baptismo disputationem? Audiant
igitur breuiter, si lubet: neque enim
longum faciemus. Equidem consti-
tuendum est: Sicut generatione ipsa,
quæ est. quasi contagio & hæreditas
quædam paterni criminis, quod per
Adam perpetratum, in omnes eius
posteror est diffusum, simus, quod
Paulus ait, iræ filij: ita exaduerso huic
generationi, regenerationem quan-
dam esse diuinitus propositā, per quā,
veluti canalem quendam, beneficiū
liberationis à Christo partæ ad nos
debeat permanere, in vitam vsque,
quam expectamus, coelestem atque
sempiternam. Nisi enim quis renatus
fuerit, inquit Christus, non introibit
in regnum Dei. Atqui conuenit inter
nos & hæreticos, id quæ adeò Diuus
Paulus apertè profitetur, Christi be-
neficium Adæ maleficio multo esse
largius multoque abundantius. Se-
quitur igitur, primū, vt, cū Adā
infantes etiam ipsos scelere suo infe-
cerit

cerit, multo magis Christ^o eosdē quo-
que liberarit: deinde, vt cū Adam re
ipsa maculam nobis omnibus insignē
asperferit, Christus eandem multo
magis re verissima in omni perfectio-
nis excellētia eluerit, totāq; ita sustu-
lerit, vt nos prorsus in Dei ipsius ocu-
lis puros ac putos reddiderit. Qua-
ratione? gratuita communicatione
iustitiæ innocentiaēque suæ. Quomo-
do ea ad nos peruenit? Dixi. Per cana-
lem regenerationis. At quæ est hæc re-
generatio? Id quidem explicat Chri-
stus idem, ita plenè apud Ioannem in-
quiens. Nisi quis renatus fuerit ex a-
qua & spiritu, non potest introire in
regnum Dei. Potuitne baptismum
melius, non dico adumbrare, sed ex-
primere? Cui ipsi quantum D. Paulus
tribuat, vel vno interim illo ex loco
estimemus licet, cū, inquit, Omnes
quicumque baptisati essent, Christū
induisse. Patet igitur, quod cogere
volumus, baptismum non minus in-
fantibus, quàm cæteris omnibus esse
propositum, hoc primum. Deinde
verò patet, in omnibus quicumque ad
illum

ECCLE. CATHOLICAE. 63

illum acceſſerint, maximam habere,
non ſolū ad tollendum peccatum,
ſed etiam ad iuſtitiam Chriſti largiſ-
ſimè cōmunicandam, efficacitatem.
Contrà verò (vt tandem vnde digreſ-
ſa eſt eò reuertatur oratio) patet etiam
& meritū quidem Chriſti, quod la-
tiſſimè patere debuit, nimis in angu-
ſtū ab ijs redigi, qui ſacramentorum
tum numerum diminuunt, tum ele-
uant dignitatem: & propterea etiam
Eccleſiam iſtorum, qui dogma tam
ſpurcum & immane defendūt, ac tuē-
tur, turpiſſimè omninò deformari,
ac prorſus infra omnem Synagogæ
Iudæorum conditionem relinqui.

14. *Sacrificium heretico-
rum nullum.*

Sed hoc ferè leuiùs: quanquā in
his eiufmodi nihil planè leue
eſſe poteſt. Quid aut addit præ-
terea hereticorū iſta ſynagoga? Quid?
ſacerdotis ſanè & ſacrificij ipſa etiā vo-
cabula, tātū nō exterminat. Erſi .n. ap-
pellationib. illis ludit interdū magis q̃
reuera

reuera vritur, tamen ad summum ita
statuit, nec sacerdotem vsquam am-
plius, nec sacrificium vllum esse: à
suis quidē certē conuenticulis & coi-
tionibus nefarijs vtrumque abesse, &
nomen pariter cum re amisisse: no-
strum autem tremendum illud, &
modis omnibus adorandum sacrifi-
cium, atque hostiam immacula-
ram corporis & sanguinis I E S V
Christi, non modò talem non esse,
qualis vno omnium vetustorum pa-
trum, & conciliorum consensu præ-
dicatur: sed etiā, quod nulla ferè vn-
quam impietas euomere antehac au-
sa fuit, rem esse, proh scelus, rerum
omnium profanissimarum profanif-
simam, ipsique Deo Opt. & Max.
(Audisne hæc Christe fili Dei viui ad
dexteram patris in cœlestibus collo-
cate) detestabilem & inuisam. Quam
ad eorum vocem sanè execrandam,
& omnibus supplicijs dignissimam,
terra mihi ipsa tremere: flumina etiā
ad fontes relabi: sydera denique ipsa
auerſo vultu retro cōmeare, & aper-
tissima significatione tantum scelus
palàm

ECCLE. CATHOLICAE. 65

palàm detestari videntur. Cuius tamen ipsius sceleris illam denique poenam præsentem, & in ipso illo simul scelere delitescentem, necessariò Synagogistæ isti sustinent, quòd, dum vanitatem hanc orationis impiæ de industria in vulgus spargere non dubitant, illam etiam manifestam admodum veritatem eodem tempore, nolentes profiteri coguntur, suas illas non minus perditas quàm perdentes Synagogas ac coitiones, quæ & sacerdote carent & sacrificio, Ecclesiam neque esse posse vlla ratione, neque appellari. Ecquis igitur earum Synagogarum consortium appetat, quæ & ultro quidem tam apertè Ecclesiæ nomen à se abdicant, & præterea, quod illa vna, sancta, catholica, & apostolica Ecclesia, sanctissimum hætenus duxit, omnique veneratione coluit, quod patres nostri, iam inde post susceptam semel religionem Christianam, supplices & proni adorauerunt, cui cercos incenderunt, cui thus adoleuerunt, quod omnibus denique diuinis honoribus sunt profecuti, id

E idolum,

idolum, id abominationem, id detestabile & execrandum vocent. Eheu prisca fides.

Sed nos pergamus ad alia, & quidē ad Biblia imprimis, & reliquas scripturas sanctas, ex quo sanè aliqd prætereā, & ad cōtinēdos nos ipsos in gremio Ecclesię & ad alios p Dei gratiā à Synagogy illis reuocādos desumem⁹.

15. *Biblia Catholica LXX.*

interpretum.



Ecclesia quidem Catholica vti semel accepit de manibus apostolorū BIBLIA, à LXX. ipsis interpretibus ex Hebræo conuersa in Græcum (hac ipsa enim bibliorū cōuersione ipsos quoq; apostolos vsos fuisse, non difficulter ostendi potest ex ijs, quæ in nouo testamento citātur per apostolos ex veteri desumpta) ita hac eorum translatione perpetuò vtitur: & vt illa sunt vno modo atque ratione ab omnibus illis LXX. interpretibus conuersa, ita Ecclesia quoque vnam ijs atque eandem sentētiā attribuit, haustā ex vnanimi

ECCLE. CATHOLICAE. 67

mi omniū Catholicorū theologorū
consensione: quæ quidē omnia ita re-
ligiose & suscipit & veneratur, vt ijs
neq; detrahēdū quicquā, neq; aded ad-
miscendū esse existimet, in ijs quæ atti-
nēt summa capita religionis Christia-
næ. Quod quidē dū facit, facilē omniū
suorū & consensionem in religionis
dogmatibus hactenus retinuit, & be-
neuolentiā atq; charitatem in Repub.
mutuā cōseruauit: quæ vtraq; discer-
pūt ij, qui nec libros bibliorū sanctorū
omnes recipiūt, nec eorū quos recipi-
unt, sensum satis callent, neq; aded in
suo ipsorum sensu, peruerso quidem
ipso, &, vt leuissimè dicam, alieno,
aut sibi satis constant, aut consensum
Ecclesiæ vlla in parte reuerentur.

16. *Biblia ab hæreticis peruer-
sa, truncata, inferta, & ma-
lè conciliata.*



Rimū enim, breuissimo isto
temporis spacio, dū suo quisq;
sensu abūdare contendūt, pro

vna Lxx. virorum traductione, ipsi, plusquam septuaginta traductiones Bibliorum nobis pepererunt. Tum autem, Censorum & Aristarchorum nescio quorum assumpta persona, ex vna quidem parte, non omnia, vt dixi, bibliorum scripta receperunt, sed ea partim libris ipsis integris, partim certis librorum capitibus, pro sua libidine, mutilârunt: ex altera autem parte, ad ea quæ receperunt, multa de suo, tum in inscriptionibus capitum, tum in oris & marginibus librorum, addiderunt. Postremò, omnia hæc, quæ in tot informes formas peruerterunt, truncauerunt, inferserunt, ad priuatos potius & falsos ac suspectos, quàm ad veros ipsos ac legitimos sensus traducere studuerunt: ita in vniuersum, cœlum terræ permiscentes, vt omnia tanquam ebrijs sursum ac deorsum agi atque ferri videantur. Quibus sanè ex rebus omnibus factū est, vt literę ipsę sanctę, quę per se aliqui sententiam pietati inprimis consentaneam, ceu diuinum quendam odorem continent, si modo rectè, & cum

ECCLE. CATHOLICAE. 69

cum ea, qua par est, animi demissione tractentur, superbis eiusmodi & adulterinis eorum interpretationibus deprauata, subito natiuum illum suauissimum odorem amittere, & tetrum quiddam concipere videantur: non secus quam ventus, qui vnus & idem existens, alium ex puro loco, alium ex impuro lacu odorem afferre secum solet. Atque hæc quidem omnia ex insigni quorundam hæreticorum fraude atque malitia videntur proficisci. Quid cæteri, qui in hoc quidem genere malitię peccare non videtur? Illi verò, si qui eiusmodi sunt, qui in media hæresi, malitia aliqua non peccent, crassa omnino ignoratione peccare videntur. Cum enim sibi pulcherrimos in scripturis progressus fecisse maxime videantur, propter aliquot selectiores ex euangelio sententias mente atque cogitatione comprehensas, ita sunt & scripturarum & bibliorum prorsus rudes, vt corticem modò eorum tenere, à medulla interiore, in qua sola vis boni est, procul omnino abesse, & propterea in circuitu modò

ipso ambulare, mediū nunquā ferire
posse videātur. Atq; hoc, ne cui fortē
mirū videri possit, meminerit velim,
quod Christus olim Saducæis ita per
probrū legitur obiecisse: Erratis, inq̃t,
Saducæi, scripturarū ignari. Quid ais?
Saducæi scripturarum ignari? Ita est.
Quomodo ignari? Vtique ignari, nō
quod verba scripturarum nō tenerēt,
sed quod, itē vti nūc hēretici, vim earū
penitus ignorarēt. Ergo in vniuersū,
quod biblia quidē attinet, nihil tertiū
apud hēreticos reperiās, præter aut
merā duntaxat scripturarū calumniā,
aut summam earum ignorationem.
Nimirum veritas, & vis omnis scri-
pturarum sanctarum, non in literis
est, aut in characteribus, quæ occidūt,
sed in vi, & interpretatione spiritus:
vt sicut nemo omnino hominū scire
potest, quæ sunt hominis, nisi spiritus
hominis, qui in ipso est: ita & quæ Dei
sunt, nemo præter spiritum Dei co-
gnoscere posse videatur. Quem quidē
ipsum suum spiritum Deus non alij
quām soli Ecclesiæ appromisit.

17. Ha-

17. *Hæreticorum contra patres indignatio.*

Sed hæretici, ipsorum etiam Theologorum antiquorum libros, quibus ducibus, ad veram scripturarum cognitionem potuerunt peruenire, omni cura & diligentia conquisitos, student quantum possunt, partim è medio tollere, ne à Catholicis producti ipsis aduersentur: partim suppressere, ut ipsi ijs, cum cōmodum est, aduersus Catholicos abutantur: partim denique cauillari: quod quidem ipsum cum sit, aut in neganda planè eorum auctoritate, aut in adulterina quadam interpretatione confingenda, constitutum, vtrumque sanè genus hoc artificij, sedulò ab ipsis comparatur, callida quadam & veteratoria ratione. Ut enim rudi populo persuadeant, theologorum patres illos, suarum planè esse partium, auctoritatem eorum, dum licet, tueri se simulant: verùm ubi postea ad suæ & patrū ipsorū do-

Arina contentionem ventum est, tū
ibi mihi continuò aut de auctoritate
patrum muti fiunt, aut ipsos in ordi-
nem redigunt: nec se, præter biblia,
quicquam aliud recipere profiten-
tur. In quo tamen ipso, sanè à leuita-
te sua non discedunt. Cū enim se
initio solius expressi verbi Dei aucto-
ritati concedere: nec hominis vllius
præterea interpretationem admitte-
re præferant: ad extremum tamen,
vbi se expresso ipso verbo Dei vel per-
celli vel destitui intelligunt, eò im-
pudentiæ delabuntur, vt Lutheri, vel
Caluini verbum, pro verbo, vel etiā
præ verbo ipso Dei amplectantur. Ita,
dū August. Hieron. Ambros. Theo-
philactū, Origenem, columina illa fi-
dei contemnunt ac floccifaciunt, &
prorsus è scholis Christianorum ex-
cludunt, ad scopulos istos religionis
miserè adhærescunt, homunciones
ipso planè indignos, qui superiorum
illorum diuinorum virorum fibulā
soluant calceamentorum, si erudi-
tionem spectes: nam impietatis com-
paratione, hi quidem cum illis locū
habere

habere nullum queunt. Itaque illorū
quidem diuinorum libri hominum
uiuunt hactenus, & tempore, ac vetu-
state ipsa, quæ alijs rebus omnib. inte-
ritum adferre solet, indies magis ac
magis roborantur: horum autem æ-
qualium nostrorum libri, cum nul-
lum prorsus nec apertæ pietatis, nec
eruditionis reconditæ genium ha-
bere videantur, cum auctoribus ferè
ipsis, atque adeo sepe numero ante au-
ctores etiam ipsos suos, moriuntur.

18. *Sanctorum patrum honos
in Ecclesia Catholica.*



Erūm, quando ab eo, quomi-
nus tantopere se ament, di-
moueri ipsi non possunt, le-
gant sanè sua cum suis, sine inuidia,
quoad libeat: ament etiam eadem
quæ cæperunt, sine riuali. Non equi-
dem inuideo, miror magis. Nobis Ec-
clesia quidem ipsa, patres ex omni an-
tiquitate selectos, quos ipsos oriens,
quos occidens, quos vniuersus deni-

que terrarum orbis pro summis religionis magistris colit & veneratur, eosdem ad colendum & imitandum proponit : his auctoribus admodum idoneis, tum aduersarios suos fraudis aut erroris conuincit, tum veritatem etiam doctrinae institutorumque suorum, ubi opus est, magnopere confirmat & tuetur. Neque sanè immeritò. Quanto enim quisque propius aberat ab ortu illo religionis nostræ, cum primum Ecclesia ipsa Christiana & orta & nata extitit, hoc & acutiùs omnia vidit, & certiùs ac fideliùs omnia tradidit, quàm isti tanto interuallo, non modò videre, sed etiam suspicari saltem potuerunt.

19. *Conciliorum auctoritas in Ecclesia Catholica.*

ATQVE hæc quidem de patribus. Eadem porrò Ecclesia amplectitur etiam & proponit
CON.

CONCILIA, hoc autem ferè est, communem patrum ipsorum vnum in locum coactorum, consensum, de rebus ad religionem pertinentibus. Cùm enim singulis seorsum tantam, quantam hoc loco obiter expressimus, auctoritatem tribuit, tum de vniuersis sanè ad concilium coactis magnificè & sentit & loquitur: semper enim illi verbo CHRISTI credidit: Vbi cumque duo vel tres, inquit ille, congregati fuerint in nomine meo, ibi sum in medio eorum. Itaque & indicere quidem pro temporum ratione concilia, & ad ea, summo interdum cum periculo, quoties componendorum religionis tumultuum necessitas exposceret, proficisci non dubitauit. Testis esse potest, ne longè abeam, vel Tridentinum hoc, nostris temporibus & indictum & celebratum, & perfectum Concilium: quod quidem cùm in vicinia hereticarum nationum habitum fuerit, tanta tamen Catholicorum Episcopo.

piscoporum, & Theologorum frequentia, ac concursu, tanta etiam sententiarum libertate celebratum est, ut cum antiquis illis concilijs certare iure possit. Nam ipsorum quidem patrum numerus qui concilio subscripserunt, ad ducentos quinquaginta quinque pertinebat: libertatem autem sententiarum eius concilij, illi deum abinde testari possunt, qui cum Catholicorum nomine ad concilium ipsum venissent, contrarias tamen ibi plerasque moribus Ecclesiæ Catholicæ positiones, & verbo & scripto liberè sunt tutati.

20. *Conciliorum odium apud hæreticos.*



Ontrà, hæreticorum antesignani, neque hoc concilium Tridentinum, cum ad illud benignissimè publica fide invitati essent, & cum illud in confederatorum suorum vicinia celebrari audirent, ad eundem sibi esse existimauerunt: neque

ECCLE. CATHOLICAE. 77


neque vlla alia concilia œcumenica
magnificianda sibi esse, fuerunt vn-
quam arbitrati. Suis quibusdam pri-
uatis & occultis ac clandestinis vtun-
tur coitionibus, in quibus quidem,
nec spaciū vllum tātis deliberationi-
bus accōmodatū adhibent, nec legi-
timum rogandi sententias ordinem
retinent, nec moderatæ alicuius di-
sputationis speciem præse ferunt: sed
inflati superbia, præcipites amentia,
cū omnia confuderunt, post ali-
quot statim dies discedunt, magis e-
tiam tum inter se, quàm antea, diuul-
si & distracti. Testis est omnium ea-
rum rerum, præter cæteras prouin-
cias, nostra Polonia: in qua quæcum-
que conuenticula vnquàm hæretico-
rum habita sunt, ea vt diuturna non
fuerunt, ita edictorum suorum au-
thoritatem nullam habuerunt, sed
qua leuitate coierant, eadem sunt cū
decretis omnibus suis dissoluta. Quā
rem si quis est qui aut non videat, aut
cū videat, non ex animo detestetur,
is, haud scio quidnam præterea in vi-
ta aut videre, aut vitare etiam ac dete-

stari

flari debeat. Eſſe enim vnū aliquem,
 qui ſuam vnius ſententiam, inuetera-
 tæ ac receptæ totius orbis ſententiæ,
 atque aded non ſolū naturæ, ſed
 Dei ipſius voci anteferat, & qui non
 iam cornicum oculos configere, ſed
 orbem ipſum terrarum vniuerſum
 impietatis pariter atque inſaniæ con-
 demnare audeat, ſeque vnum, in
 ipſis reliquorum omnium hominū
 tenebris & caligine, τὸ ὕπερ videre ia-
 ſtet, id verò eſt, quod mihi qui-
 dem omnem nō ſolū impietatem,
 ſed etiam inſaniam videtur ſuperare.
 Quamdiu igitur dubitabimus, cum
 Eccleſia potius ipſa errare (fas enim
 mihi ſit abuti intereā hoc verbo, quo
 ipſo in eadem re abuſus eſt Auguſti-
 nus) quā cum hæreticis benè ſenti-
 re? quādo Eccleſia quidem ipſa tripli-
 ci illo, bibliorum, patrum, concilio-
 rum funiculo nititur, qui difficulter
 admodum rumpitur, hæreſis autem
 vbi ſecurè contempſit hæc omnia, ni-
 hil planè habet, quo ſe ad aliquem ſal-
 tem modum tolerabilem ſuſtinere
 poſſe videatur.

Digreſſio.

*Digressio, cur biblia, patres,
concilia, malè tractentur
ab hæreticis.*

 Ed mirum profectò non est, ita ab hæreticis, tum biblia ipsa ac scripturas sanctas, tum patres & concilia tractari, vt diximus. Quod enim alioqui hominibus perditis & sceleratis est lex & tribunal iudicis, hoc hæreticis sunt scripturæ ipsæ: quod illis liçtor & carnifex, hoc ijs patres & doctores: quod illis carcer, crux, furca, hoc ijs nomen & auctoritas conciliorum. Quo igitur loco iudex, lex, liçtor, carcer, crux, habetur ab hominibus nefarijs, eodem ab hæreticis haberi biblia, patres, concilia, minimè est mirandum. Dic clariùs, inquis, Dicam sanè vt intelligi possit. Legibus, inquã, & iudicijs nefarij homines mirificè admodù quod scimus, sunt infensi. Quid ita? quia vitę & actionibus eorù vniuersis
mira-

mirabiliter repugnat vniuersa ipsa legum & iudiciorum ratio. Itaque his, vt dixi, in fensu non esse non possunt. Sed quoniam tamen sine his viui inter homines non posse animaduertunt, se verò fiducia suorum ingeniorum poenas eorū facile euadere posse confidunt, relinquunt ea quidem, verum interim ita se cōparant, ita technis & cauillis instruunt, vt non tam leges & iudicia relicta quàm latebra modò quādam & perfugium scelerū quęsitum ab ipsis esse videatur. Et certē ad hanc eiusmodi mentem improbam, si modò, concessu alicuius, facultatem legum pro arbitrio interpretandarum adepti sint, nullo negotio legibus ipsis & iudicijs ad omnes fraudes & latrocinia abutantur. Atque eodē planē modo inter scripturas & hæreticos res habet, si quis modò velit propius intueri. Et si enim hæreticorum & vita & doctrina tenebrosissima, lucem ac splendorem sanctarum scripturarum non odisse, & quantum in ipsa sit, extinctum non cupere non potest, aut vt minimum, non

ECCLE. CATHOLICAE. 81

non ita saltem refugere, vt quemad-
modum olim Iudæi aduersus faciem
Mosis radiantem, ita ipsi aduersus di-
uinarum scripturarum splendorem
clarissimum, non ausint oculorum
suorum aciem attollere: tamen quo-
niam Ecclesiam hoc isto splendore,
quo quidem eam non solum illustra-
ri, sed etiam prorsus animari intelli-
gunt, priuari posse non vident: idcir-
co, dum tollere se posse id quod ode-
runt desperant, fucō saltem illinere,
& fallaciarum suarum operimentis,
ac quodam quasi capitis inuoluere
laborant. Hoc ipso sanè Iudæis illis
Mosaicis immaniores, quod Iudæi
quidem, nullum ipsi temerè mani-
bus suis importunis velamen radian-
ti Mosis faciei obtenderunt, tantis-
per potius, dum ipse caput sua sponte
obtegeret, seque cominus aspici atq;
audiri permetteret, fulgorem illum
radiatorum tolerârunt: at verò hæreti-
ci vt primū in conspectum veni-
unt sanctarum scripturarum, nihil
prius habere videtur, quàm vt ipsarū
os, calumnia, quātū maximè possunt,

F oblinant,

oblinant, & deinde vniuersas tot cō-
tortarum interpretationū integumē-
tis obuoluant, vt non facile præcius-
modi inuolucris vera ipsa scripturæ
effigies possit apparere: postremò ve-
rò velatâ ad eum modum, per sum-
mam ignominiam, facie scripturarū,
non dubitant etiam pugnōs ingere-
re, amarulentum illud tantum non
vsurpantes, Prophetiza, Propheti-
za, quis est qui te percussit. Itaque
ad hunc istum modum, scripturam
quidem ipsi non solū non tollunt,
sed etiam sæpenumero ita in os Ca-
tholicorum extollunt, vt in ipsius
comparationem, nullam aliam
quantumuis sacrosandam auctori-
tatem admittant: verumtamen cū
eam ita tractent, vt ab ipsis aut aper-
tè colaphis cædi, aut certè non ex a-
nimo laudari, sed veluti iudex à no-
cente reo palpari duntaxat videatur,
mihi equidem verbo solo ab eis re-
tineri, re, hoc est, sententia, planè vni-
uersa euerti videtur. Atque hoc sanè
illud est, quod nouas assiduè biblio-
rum, vt diximus, conuersiones quæ-
runt,

runt, quòd de numero sanctorum librorum diminuunt, quòd inscriptiones capitum de suo apponunt, quòd denique ad librorum oras, callidis quibusdam interpretatiunculis apponendis, extremum pietati & religioni exitium moluntur.

Progrediamur ulterius. Auerfantur flagitiosi homines leges & iudicia: sic est. Sed multo etiam magis horrent & auerfantur carnificem & lictorem. De legibus enim verè dixit, qui eas telis araneorum similes esse dixit, ut & facile perrumpi, & non magnam alioqui vim hominibus potentibus & fraudulentis inferre queant, si sint rigore magistratus ipsius exarmatæ: at verò licia ipsa lictorum & laqueos carnificum quoniam firmitate telas araneorum superare homines scelerati intelligunt, ideo non licia solum & laqueos, sed cannabum quoque ipsum, quod laqueis ac licijs materiam suppeditare solet, vulgari etiam proverbio execrari dicuntur: lictorem autè & carnificem pro-

pe vt mortem ipsam perhorrescunt. Nec aliter sanè hæretici, patres ipsos Ecclesiæ Catholicæ & doctores mirum in modum & detestantur quidē, & plus etiam quàm scripturam ipsam pertimescunt. Scriptura enim cùm pro se ferè non loquatur, trahi se interdū inuitam & violari patitur: patres pro scriptura apparent, patres aduersario manus colligant, caput obnubunt, in ipsum etiam propemodum lege agunt. Quamobrem, quod vulgò quoque de carnifice & lictore vsurpatur, plus quàm ius & lex permittat, vim & potentiā illius non valere, id de ipsis quoque Catholicis doctoribus, passim audias ab hæreticis vsurpari: non plus illis fidei esse tribuendum, quàm auctoritas permittat sanctarum scripturarum.

Quòd si hæc, quæ dixi, hæreticis ita, vt dixi, formidabilia sunt, certè omnium terribilissima sunt ijs concilia: quæ furcæ cuiusdam, eorum quidem opinione, instar habent. Vt enim qui seueritatem legum aut iudiciorum minimè reformidant, nec virtutis a-

more

ECCLE. CATHOLICAE. 85

more à peccando abſiſtunt, traduntur liſtoribus: quod ſi ne horum quidem vinclis aut verberibus coërcentur, vt diſcant ſaltem formidine pœnæ minus malefacere, in crucem tandem aguntur: ita qui ſcripturarum ſanctarum præceptionibus ſimplicibus & apertis in officio non continetur, quominus noua & Eccleſiæ Catholicæ inaudita dogmata in vulgus diſſeminent, ad doctores demum & columina illa religionis Chriſtianæ relegantur: quod ſi ne ſic quidem ad officium redeunt, tum poſtremò ad concilium tanquam in carcerem detruduntur, & ibi, niſi reſipuerint, condemnantur. Atque ad eum quidem modum ſatis oſenſum eſt, hæreticos nihil horum trium non magnoperè auerſari non poſſe, ſcripturas quidem, vt legem & iudicem: patres, vt iuſtitix adminiſtros: conciliū, vt mortem & ſupplicium extremū. Atqui ipſa etiam ſcriptura, ſi illi tantopere, vt iactant, obedire voluiſſent, docere eos poterat, conſentientes eſſe Catholicis aduerſarijs ſuis, dum

sunt in uia cum eis: ne fortè ab ipsis tradantur iudici, scripturæ: & à iudice ministris, patribus ipsis, & doctoribus: qui tandem mittant eos in horrendū ipsis conciliorum carcerem sempiternum.

21. *Concilia confirmant Catholicismum.*

22. *Concilia condemnant hæreses.*

Quibus ex rebus omnibus illud denique excerpendum, & ad vitandas hæreses diligenter in cætera considerandum est, solius dogmata Ecclesiæ Catholicæ, concilijs, id autem est, totius terrarū orbis cōsensione confirmari: contra hereticorum placita omnia iisdem concilijs, hoc est, suffragijs omnium gentium & nationū Christianarū semper condemnari. Non esse autem prudentiæ, vnius hominis placitū, sententijs omnium penè nationum

ECCLE. CATHOLICAE. 87

num anteferre, vel id potius sequi, quod iudicio omnium condemnatum, quàm id quod suffragio omnium approbatum est. Atqui in his sanè nostri temporis hæresibus nihil eiusmodi reperias, quod non olim & sanctorum patrum, & conciliorum decretis fuerit non semel condemnatum. Legat, qui hæc vult pressius cognoscere, conciliorum sanctiones & execrationes: legat etiam patres ipsos Epiphanium, Theodoretum, Augustinum, Damascenum, & reliquos, qui nobis sui illius temporis hæresibus depingendis, nostrorum istorum temporum hæreses omnes videntur ita depinxisse, vt libri eorum, recentium, istorum hæreticorum speculum videantur tanto ante extitisse.

Supereft, vt de paucis etiam reliquis, quæ ipsa in hoc genere omit- tenda sanè non videntur, prout quicq; eorū scilicet in mentem venerit, differamus. Ac vel illud inprimis, quod ad ordinem nostræ Catholicæ

Ecclesiæ, & ad confusionem quandā Synagogarum hæreticarum demonstrandam pertinebit. Sic enim facile futurum esse cōfidimus, vt cū omnium animantium solus homo sit, qui quid sit ordo, quid modus, quid decorum ipsum intelligat: omnes ij, qui numero hominum haberi volēt, ordine ipso Catholicæ Ecclesiæ delectati, libentiùs in ea permaneant, vel ad eam certè quidem concitatiùs reuertantur. Nam cæteri, qui ordine nullo capiūtur, digni meherculè sunt qui quouis aliò discedant, & pro locis ordine ipso descriptis ac definitis, deserta, quando ita volunt, & inhospita tesqua incolant, eaque ad extremum loca teneāt, vbi nullus ordo, sed semperternus horror inhabitat. Quod omnia à Christianis omnibus Deus auertat quæso. Sed nos ad eum, quem proposuimus, Ecclesiæ Catholicæ ordinem paucis, vti huius loci natura fert, describendum accedamus.

23. *Conciones, Misse, hora
Catholicorum.*

Ecclesia



Ecclesia nostra quidem nihil
eorum prætermittit, quæ ad
sanam omnibus vndique in-
stillandam euangelij & pietatis doctri-
nam facere quoquomodo videantur.
Nam & concionibus ad populum, &
Missis, & cantibus, & omnibus hora-
rijs orationibus publicis, & multis a-
lijseiusmodi rebus, in fine etiam clas-
sis homines, quatenus opus est non
finit esse earum rerum rudes, quæ ad
articulorum fidei & pietatis Christia-
næ cognitionem intelligit pertinere.
Ita sanè vt nec conciones ipsius con-
cionibus hæreticorum, nec cantus
cantibus, nec orationes orationibus,
vlla in parte vel sanctitatis vel erudi-
tionis concedant: imo vt hæc etiam
omnia in Ecclesia quàm in hæretico-
rum Synagogis & sanctiora & erudi-
tiora, & omni perfectionis genere ab-
solutiora manifestò appareant. In
quo tamen ipso Ecclesia illam me-
hercule moderationem in hoc gene-
re pernecessariam retinet, vt scientiã
quidem & intelligentiam rerum ip-
sarum abstrusiorum perfectam & ab-

solutam doctis & intelligentibus reseruet, sanctitatem verò ipsam, quæ est vñse eorum omnium maximè præcipuus, populo vniuerso concedat atq; communicet: quam etiam ipsam sanctitatem illa re potius æstimandam esse censet, quantum quisque nostrū ea quæ illa suggerente percipit, aut animo credat, aut factis exprimat, quā quantum scilicet ingenij acumine comprehendat. Non tam enim in intelligendo quàm in audiendo & custodiendo Dei verbo, meminit esse à Christo domino felicitatem & beatitudinem hominum, id autē est, summum animorum nostrorum bonū, constitutum.

24. *Cerimonia & festa
Catholicorum.*

Praterea autem eadem hæc Ecclesia nostra postquā à concionibus, Missis, horis deniq; orationum suarū respirauit, non remanet tamen prorsus muta, & omni ex parte iners ac ignaua: sed machinas veluti

ECCLE. CATHOLICAE. 91

veluti quasdā alias ad omnes etiā sensus adhibet, quib⁹ in animos suorū fidelium id quod vult, hoc autē est, pietatem & religionem, possit cōmodissimē instillare. Admouet enim ad oculos primū ornatū illum templorum externum, qui est in cereis potissimum & imaginibus: vt illi maiestatem quandam numinis præsentis significent, hæ autem ponant sub aspectum, quantū maximē possunt, ea ferē omnia, de quibus alioqui pro cōcione fusē admodum solet disputari: quæ vtraq; etiam interdum, animaduersionis scilicet & castigationis cuiusdam causa, ab oculis subtrahit, cereos quidem in feriendis anathemate immorigeris filijs, extinguendo: imagines verò diebus ipsis quadragesimalibus pœnitentiæ sanctioris velando ac obtegendo. Admouet item ad aures, campanas & tintinnabula, dum vel ad templum suos vocat, vel etiam extra templum orationis admonet. Quorum etiam ipsorum sonitum, partim diebus ipsis parasceues commutat, & designandum siue

fædos

foedus tūc temporis & pudendos apostolorum lapsus, siue adeò dolorem ipsum suum, ex passione vnigeniti filij Dei sponsi sui, cuius tunc anniuersaria memoria recolitur: partim verò prorsus intermittit, vt cum in ipso fortè publico aliquo facinore cōmisso ac perpetrato, maiore sibi interdicto vtendum esse existimat. Deinde celebrioribus etiam diebus ipsis ad-mouet ad aures musica quædam instrumenta, ad excitandum gaudium spiritus in mentibus nostris, & laudes Dei, maiore aliquanto cum lætitia decantandas. Adhibet odores etiam naribus, vt & maiestatem diuini numinis repræsentet, & feruorem præterea maiorem quendam orationis exuscitet: vt videlicet oratio populi (his enim quoque tunc verbis Ecclesia ipsa vtitur) non secus quàm ea quæ odorum causa incenduntur, in conspectum Domini dirigatur. Adhibet ad tactum plura etiā ferè quàm ad vllum sensum alium: aquæ nimirum & cineris asperisionem, crucis impressionem, genuum flexionem, pectoris

ECCLE. CATHOLICAE. 93

pectoris percussione, osculum denique reliquiarum sanctarum: quæ omnia, vel monumenta, vel certè inuitamenta esse vult pœnitentiæ interioris. Postremò, gustatus etiã ipsius nostri non prætermittit habere rationem: primùm quidem dum cum cupidij alijs plus satis vel obrutum, vel irritatum, indictis ieiunijs, tum recreat, tum cohibet, & quantum potest ad moderationem reuocat: deinde autem cum diebus certis solennibus, & panem populo, & vinum, & salem, & fructus terræ, & cætera quæ ad esum, aliumuè præterea familiarem vsum nostrum pertinent, benedicta, & verbis solennibus sacrata proponit: & denique, dum ipsum Iesu Christi corpus & sanguinem, sub panis & vini forma ac figura cōsecratum, vescendum fidelibus distribuit. Vt ita nimium & audiamus, & olfaciamus, & manibus quasi contrectemus assiduè vim benignitatis diuinæ: gustemus etiam & videamus quàm suavis sit dominus, & quàm beatus vir sit qui sperat in eo. Iam verò certa ipsa Eccle-

fiæ solennium dierum tanquàm in
fastos quosdam distributio, quid ali-
ud est, quàm simplex illa & aperta ho-
minum simplicium, ab Ecclesia qui-
dem summo concilio inuenta, & ma-
gna cum pietate vsurpata institutio,
in rebus ad salutem pertinentibus?
Nam dum & conceptionem, & na-
tiuitatem, & circumcisionem, & à
magis adorationem, & quadraginta
dierum post baptismum ieiunium,
& passionem, resurrectionem, in cœ-
los ascensionem C H R I S T I
domini, spiritus denique eius sancti
missionem celebramus, quid aliud
quàm beneficia eius in salutem no-
stram impensa recolimus? Quid mar-
tyrum, quid Apostolorum, quid E-
uangelistarum, quid confessorum,
quid virginum, quid aliorum, in
certos dies anni, conceptæ feriæ aliud
sunt, quàm & fidei nostræ adiumen-
ta & ad gratiarum actiones incita-
menta, & exempla ad vitam Chri-
stianè instituendam proposita?

25. *Cerimonia hæretico-
rum nulla.*

Tque his quidem rebus in
omnibus mutæ sunt pror-
sus hæreticorum Synagogæ.
Nam ceremonijs omnibus, quæ in
sensus, vtiliter & cum magna pietatis
accessione & incremento, possent in-
currere, ita carent omnino, itaque eas
respuunt, vt ad conuenticula ipsa sua,
præter auditum, cuius etiam sensus
ipsius tenuis est admodum efficaci-
tas, nihil adferre videantur. Qua-
si verò Deus ipse, præter hunc audi-
tus sensum, vel nullos alios, vel cer-
tè frustra fuerit fabricatus: aut quasi
etiam hoc sensu tantum, & non po-
tius omnibus animi viribus, coli se
voluerit & amari: aut verò denique
quasi his in terris, vel hac potius in in-
finitate vulgarium ac popularium
hominum, cum solis viuatur perfe-
ctis, pleneque sapientibus, qui spiritu
tantum & non sensibus etiam corpo-
reis ducantur ac regantur, & nō potius
multi

multi nostrum sint, qui in haurien-
dis celestibus mysterijs, lacte magis
quam solido cibo opus habeant, vel
etiam si fortè nonnulli sint, qui soli-
dum cibum non reformident, neque
respuant, ideo ceteri, quorum semper
maior lōgè est numerus, imbecillio-
res, planè sint contemnendi, & pro
nihilò habendi. Sic isti spiritu nescio
quo afflati homines, cerimonias om-
nes corpori ad pietatem erudiendo
summopere necessarias, ex Ecclesia
iubent facessere, & templa ipsa sua, nō
secus quam porcorum haras, sine or-
natu, sine ordine, sine decore omni
relinquunt. Cuius quidem decoris
Dauid rex & propheta, vir scilicet nō
tā quam isti, in actionibus spiritus ex-
cercitatus, studiosissimum se fuisse
profitetur, inquit: Domine dilexi
decorem domus tuæ, & locum habi-
tationis gloriæ tuæ. Quo minus etiam
miror annis paulo superioribus cui-
dam æqualium meorum usu euenis-
se: qui, cum antea iam in illo hæreti-
corum luto non leuiter hæsisse vide-
retur, hoc sibi ferè principium expli-
candi

candi sese, & ad veram antiquæ religionis viam reuertendi, fuisse scribit, quòd templa Catholica adire, ceremonijsque Catholicorum sensim ac paulatim, quamuis non satis etiam tum ex animo communicare incepisset.

26. *Conciones, cantiones,
ferie hæreticorum.*



Erùm hæreticis omnia leuia & ludicra videntur: illa gra-
uia & seria: templa prophana-
re, eaque omnibus ornamentis ita
despoliare, vt aras haras faciant, & ex
templis ipsis reddant stabula alta fera-
rum. Quid autem relinquunt, cum
suo illo ornatu & ordine templa spo-
liarūt: nihil præter ieiunas quasdam,
vel, quoniam ipsum quoque ieiuni-
um nō ferunt, pingues potius, & fru-
stis interdum esculentis plenas con-
ciones, cōsutas ex ineptijs, calumnijs,
conuicijs: breuiter, Philippicas potius
quàm homilias: plæraq; enim ex Phi-
lippi Postillis hausta sunt, gustum do-

G

ctrinæ

Strinx alicuius elegantioris, gustum pietatis¹, gustum etiam comitatis & humanitatis nullum habent. Quid aliud relinquunt? etiam semisomnes scilicet quasdam cantiunculas, ab hominibus furore de vino correptis compositas, & à somnolentis ac oscitantibus aniculis, non secus quàm ad fufum & linum decantatas. Quid præterea? etiam festa illa sua in calendarijs proposita, Mosaica magis quàm Christiana. Pro Christi enim Dei nostri ferijs, festa Iudaica reponunt, & in eo umbram potius Synagogæ consecrari, quàm lucem Euangelij repræsentare malunt, tum etiam pro antiquis nobilissimorum martyrum nominibus, suorum nobis, nescio quorū nouorum martyrum omnia proponunt: quorum alius falsi conuictus est, alius damnatus est furti, alius homicidij, alius impietatis & blasphemiar, alius seditionis, omnibus autem, vt hæreticis, vita publico iudicio est erepta. Quorum quidem exempla si cæteris ad vitandum proponi

ECCLE. CATHOLICAE. 99

poni in Synagogis eorum poterant,
ad commemorandum certe proponi
in Ecclesia Catholica non debebant.
Ea enim eiusmodi, destruunt magis
quàm extruunt, aut ædificant.

*27. Hæretici nusquam inter
ethnicos plantant fidem:
quod faciunt Ca-
tholici.*

Destruunt, inquam. Pro-
sus vt alia hæreticorum om-
nia: quorum illud semper
iam inde ab initio solenne fuit, vt
nusquam boni quicquam nec plan-
tarent, nec ædificarent, nec ex-
truerent, sed ibi etiam, vbi for-
tè quid eiusmodi plantatum iam,
& extructum ac ædificatum fue-
rat, euellerent, & deijcerent, & de-
molirentur. Nam vt interim ho-
nestarum ferè omnium artium
interitum omittamus, quas vbi
possunt, maximo studio demolien-
tur,

tur, nonnūquam sanè eò pedem mouent, vbi idola ei ciant, & ad Christū barbaras gentes conuertant, quod nostri etiamnum in extremis Indijs, maximo cum & religionis Catholice incremento, & illorum fructu hominum faciunt: sed ibi demum pedem figunt, vbi Christum modò ex cordibus fidelium exterminant, & Mahometo suo viam sternant. Quo quidē in fœdo & flagitioso admodum studio, tātos pro dolor progressus iam fecerunt, vt plarisque eorum (sicut quidam nostras ante annos aliquot disputando euincere conabatur) nihil aliud ad Mahometismum obstare, præter præputium: nihil etiam deesse, præter Sarracenicum illud capitis inuolucrum, videatur. Ita sunt corpore quidem & habitu solo externo Christiani, animo autē toto planè Mahometani iam facti. Atque haud scio, an corpus etiam ipsum & corporis habitum, obstricto tanto opere & religato animo impiæ superstitionis genere, non nimis diu ad Christianorum similitudinem possint retinere.

ECCLE. CATHOLICAE. 101
tinere. Quam quidem cassam prope-
modum iam & inanem similitudi-
nem, vbi modo deposuerint, nihil e-
rite quidem amplius, quod in illis
Christianum potius quàm Mahome-
tanum & Antichristianum censerì
posse videatur.

28. *Catholici reformant, hære-
tici impediunt eorum re-
formationem.*



Nunc verò ipsi id obscurè iam fe-
runt, non solum doctrina
tradenda Christo contraria,
sed etiam impedienda morum Chri-
stianorum restauratione ipsa. Etenim
sicubi fortè nostri Catholici defor-
matis priscæ religionis mores pristi-
no nitore restituere conentur, non
modò eos non adiuuāt, verum etiam
hoc solo nomine extremo odio pro-
sequuntur, & actiones eorum tum
impediunt, vt tanto difficilior ad id
quod volunt perueniant, tum etiam,
quantum maximè possunt, infectas
reddunt: facilioresque se omninò a-

apostatis, & desertoribus, & seditio-
nis & rebellibus, & in vniuersum om-
nibus sceleratis hominibus, quàm pijs
& orthodoxis viris patronos student
exhibere. Nimirum nec doctri-
nam à sua doctrina discrepantem
ferre possunt, nec vitam vitæ suæ ad-
uersam atque contrariam. Quo-
rum mihi mores in illa impiorum
cogitatione expressi esse videntur,
quæ est in libro sapientiæ ita adum-
brata. Dixerunt impij, inquit, Cir-
cumueniamus iustum, quoniam
iniucundus & acerbus est nobis, i-
demque contrarius operibus nostris,
improperat nobis peccata legis, &
diuulgat in nos peccata disciplinæ
nostræ. Grauis est nobis etiam ad
videndum, quoniam dissimilis est
nostræ vitæ illius, & diuersæ sunt à
nostris viæ eius. Hæc & similia di-
xerunt impij, excæcauit enim eos ma-
litia eorum. Atque hæc duo sanè
proxima, inter cætera etiam conside-
randa sunt, ad absterrendos homines
ab istorum vesania, & ad reducendos
ad Ecclesiæ Catholicæ sanitatem.

29. *Succensus hæreticorum.*

Isetiam, si placet, vnum addamus licet. Succensum videlicet rerum omnium tam apud nostros, quàm apud hæreticos. Et si enim veritas & fides religionis non est principio à successibus aut prosperis, aut aduersis, deducenda, & Catholicæ quidem religionis ratio, suis est & certissimis firmamentis aliàs comprobata, iuuat tamen ad illorum firmamentorum soliditatem, hæc ista successuum in vtramque partem commemoratio, quibus Deus Opt. & immortalis, hinc veritatem suarum cerimoniarum diuinitus nobis iam pridem traditarum, est profecutus, illinc impietatem nuper inuentarum opinionum studiofissimè se auersari semper demonstrauit. Repetamus igitur omnes ab initio hæreses, & consideremus, quæ terrarum eluiones, quæ exustiones, quæ pestilentia, quæ vermium & bestiarum copiarum quæ annonæ caritates,

quæ seditiones, quæ bella, quæ clades, singulas propemodum hæreses aut præcesserint, aut statim fuerint consequutæ. En vnquam quæso, cum vlla hæresi vspiam, pacem, ocium, fertilitatem, concordiam, rerum etiam affluentiam aut natam aut consociatam fuisse, siue vidimus, siue audiuius? Num quæ Respub. num quod regnum, num quæ ciuitas, num quæ domus, num quæ familia, num quis omnino hominum, propter hæresim, aut auctus veris honoribus, aut alijs verè secundis rebus nobilitatus est? Omnia, omnia videntur cum hæresi in peius ruere, & retrò sublapsa referri. Quin & hæreses ipsæ suis sibi semper manibus celerem admodum struunt interitum, vt sicut veritas ipsa à tempore, tanquam legitima filia educatur, ita fictæ ac falsæ opiniones ab eodem tempore, tanquã monstrosi partus, interdum etiam in ipso ortu, enecentur. Illi autem quoque ipsi hæresum auctores & propagatores illam perpetuam, pro his eiusmodi suis meritis, diuinitus arrogatam

tam pœnam sustinent, vt semper bellum appetant, nunquam victoria potiantur, semper seditiones moueant, quarum tamen incommoda omnia in ipsorum potissimum capita recidunt: semper tumultus excitent, & in illis tamen semper cum corpore, tum multo etiam magis animo dispereant: vt ita nec viuis illis, nec mortuis, benè esse possit, sed vt viui & mortui omnibus pariter & diuinis macentur supplicijs & humanis.

30. *Successus Catholicorum.*

Contrà autem omnia prope modum quæ optabilia in vita esse videntur, ocium, dignitas, opes, robur, splendor, firmitas, pax, copiæ, fertilitas, nobilitas, decus, & quæ sunt huiusmodi, dotes sunt profectò religionis Catholicæ propriæ. Nam vt omittam cætera, maiores quidem nostri, post Lachi parentis ingressum in has terras, tunc desertas & vacuas, etsi magna semper bellicæ virtutis suæ documenta dare studuerunt,

duerunt, in illis tamen barbaræ religionis tenebris, finitimorum semper iniurijs expositi, neque noti, neque tuti, annos ferè quadringentos delituerunt. At verò vbi semel Christum Iesum, sic quidem vt olim in vniuerso terrarum orbe, Catholicè, & verè, & concorditer, vno omniū ore prædicabatur, non vti nunc in Synagogis hæreticorum, & falsò, & clàm, & variè prædicari est captus, sub Mescislai principatu susceperunt: cæperunt de repente ita coalescere, vt vicinis primum formidolosi, mox remotioribus admirabiles, postremò apud omnes clari ac celebres sint facti: & vt gloriam etiam reliquarum nationum, siue domesticis in rebus quis spectet, siue in bellicis, non solum adæquârint, verum etiam in plærisque fortassis superârint. Tunc enim regium inprimis diadema non à nescio quibus administris istis, siue petitur, siue adèò impetratum est, (quorum tunc ne nomen quidem audiebatur vsquam, & quorum ipsorum nunc quoque magna pars

ECCLE. CATHOLICAE. 107

pars ipsum etiam regium nomen detestantur, vniuersi autem vnctionem non solum à regni inauguratione remouent, verum etiam à baptismo ipso studiosè tollunt:) sed à Catholico Rom. summo Pontifice petatum, à Catholico Rom. summo Imperatore tributum nobis est. Tunc celebres illæ nostræ de multis nationibus victoriæ sunt partæ, cum Boemia, Morauia, Russia, Saxonia, Prussia, Dania, armis prorsus nostris cesserunt. Tum clarissima illa trophæa & monumenta, ac termini victoriarum nostrarum, columnæ ferreæ, ad Herculis illius inuicti imitationem, ad Boristenem, & salam, & Ossam fluuios fixæ à nostris, ac locatæ sunt. Inde vrbes conditæ, arces munitæ, mænia excitata, Episcopatus fundati, templa & monasteria erecta, Scholæ etiam sunt institutæ, seminaria videlicet aliarum porro urbium condendarum, artium excitandarum, Episcopatum, & omnium templorum ac monasteriorum regendorum, rerumq;

rerumq; ipsarum publicarum deinceps ad longissimam item posteritatem propagandarum. Ita sanè, vt si quis res nostras diligētius consideret, illas quidem, quæ ante Catholicam susceptam religionem extiterūt, magno à nostris hominibus animo gestas, has verò quæ religionē Catholicam sunt consequutæ, diuinis & singularibus successibus auctas & cumulatatas fateatur, necesse est. Quas nunc rursus, proh dolor, nonnihil iam attritas, & accisas videmus, ministerio quidem administrorum istorū, quibus Respub. ludus est, regnum iocus, claritas nominis & existimatio tenebræ. Quos ipsos tamen ita in hac religionis contentione odisse & fugere ac auersari debemus, vt cūm ne nos ipsi quidem radicem portemus, sed radix nos, ne efferamur propterea, ne uē altum sapiamus: sed animaduersa & perpenſa, in eos quidem qui ceciderunt seueritate Dei, in nos autem summa bonitate, existimemus, id quod est, potentem esse Deum iterum eodem inferere illos vnde exciderūt,
fi

ECCLE. CATHOLICAE. 109

si modò non permanferint in incredulitate. Quid enim? an nò duodecim horæ diei sunt? Itaque tum pro ijs, tū pro nobis, & omninò pro vniuerfa ipfa Ecclefia, ficoremus:

Si vlla, ô Domine, Ecclefia tuæ teneris charitate, ficut profectò summa teneri te, & cū nulla adhuc effet Ecclefia eam fabricando, & cum amiffa, reftaurando, & cum iactata, conseruando declarasti, à te supplices petimus, vt quæ se nunc fuis ipfa diffidijs cōficit, diuino tuo munere ad pacem & concordiam reuocata, poffit refpirare. Per Dominum noftrum Iefum Chriftum filium tuum. Valeat apud te, clementiffime pater, illa pro nobis moribundi nati tui, fub ipfam ftatim panis & vini ab ipfo fecundum ordinem Melchifedechi, repræfentatam oblationem, facta deprecatio: Pater fancte, ferua eos in nomine tuo, quos dedifti mihi, vt fint vnū ficut & nos. Vt hac noftra aliquando in hunc terrarum orbem reducta vnitae, fimul & nos recentibus his malis liberet, & sermonis filij tui domini noftri


Iefu

Iesu Christi confirmes veritatē, de qua tecum in spiritu sancto viuit & regnat Deus, vnitate. Exaudi nos quæsumus omnipotens æterne pater domini nostri Iesu Christi, & noster, pro vnitatis dissidentis Ecclesiæ tuæ humiliter supplicantes, & coelestibus tuis sacramentis hoc nomine participantibus. Exaudi nos in nomine eius qui dixit: Quicquid petieritis patrē in nomine meo, dabit vobis.

Qui & ipse tecum viuit & regnat in vnitatis spiritus sancti Deus, per omnia sæculorum, Amen.

FINIS.


ē, deca
viuit &
os quæ.
ter do.
et, pro
humi-
ustuis
cipan-
s qui
trē
is.





Biblioteka Jagiellońska



stdr0034792







Białoobr

Confess.

1577

Nidecka

Parall.

25